

唐

詩

鼓

吹

唐詩鼓吹卷第二

元資善大夫中書左丞郝天挺註

古岡後學廖文炳解

虞山後學

錢朝瓌 王俊臣 陸貽典 叅校

薛逢

字陶臣蒲州人會昌元年進士謝萬年尉崔鉉入相引直弘文館歷侍御史有薦逢知制誥者適劉琚當國忌之乃出為巴州刺史稍遷秘書監卒有文集行于世

開元後樂

莫奏開元舊樂章樂中歌曲斷人腸邠王玉笛三更咽

一本作噓○百斛明珠云明皇舊置五王帳長枕大被與兄弟同處無何妃子輒竊寧王玉笛吹故張祐詩云梨花院靜無人見閑把寧王玉笛吹○院

唐詩鼓吹卷二

一

里○香○苑○夫人承主恩平明上馬入宮門却嫌脂粉  
自○犬○戎○生○薊○北○史○記○周○幽○王○寵○褒○嬖○戲○火○於○驪○山○便○從  
征○戰○老○汾○陽○郭○子○儀○有○功○所○殺○詩○意○犬○戎○胡○祿○山○也  
年○來○草○又○芳○南○唐○以○來○牧○馬○之○地○中○原○駿○馬○搜○求○一○木○盡○沙○苑

玄宗附武惠妃薨悼惜久之後宮數千無可意者武  
奏揚玄琰女姿色冠代宜蒙召見時妃衣道士服號  
曰太真既進見玄宗大悅禮遇如惠妃有婢三人皆  
蒙恩受封為號國秦國韓國夫人二兄楊鉅楊錡為  
將軍三夫人二將軍為五家祿山為漁陽太守  
守天寶十四年叛陷洛陽十六年陷長安  
此詩因聞開元來世之樂感明皇亡國而作也首言  
莫奏開元舊樂令人傷前王之失國而斯勝也彼妃  
子竊玉道而吹是謂內亂號國乘金車而遊是謂濫  
封故致祿山有漁陽之變使子儀老征戰之功且明  
皇好馬盡求天下良馬而秦之使非逸樂當亦有益  
於邊境惜其淫佚無度至於喪亂使沙苑牧馬之地  
今亦荒蕪然則開元此樂豈非玉樹臨春之流弊乎

長安夜雨

滯雨通宵又徹明。百憂如草雨中生。

文選張景陽詩云歲暮懷百憂將從

季主卜○毛詩我心關桂玉天難曉。

蘇秦謂楚庄曰楚國之食貴於玉薪

生之後逢此百憂

運落風波夢亦驚。壓樹早鴉飛不散。到墻

寒鼓濕無聲。當年志氣俱消盡。白髮新添四五莖。

此因劉琰王鐸楊收三人忌之失意故開夜雨生愁而作也首言長安滯雨通宵不寐百憂如雨中之草茫然而生故心思桂玉之食祇覺夜長運落風波之中有夢不就但見鴉聚不散鼓濕無聲皆雨所致因而循省當年之志氣皆消盡無餘而滯雨多愁益添白髮寧不為之悽愴哉○通宵徹明四字乃一篇之主天難曉夢亦驚是通宵鴉不散鼓無聲是徹明也末二句足百憂意

長安春日

窮途日日困泥沙。

晉書阮籍常率意獨駕不由

上苑年

年好物華荆棘不當車馬道管絃長奏綺羅家前漢張

後堂列絲王孫草上悠揚蝶楚詞王孫遊兮不歸春草生兮萋萋少女風

前爛熳花無少女草不宜嬾出任從遊子笑入門還

是舊生涯莊子吾生也有涯

首言吾今被讒而窮途失意如困於泥沙之中而上苑物華年年固如是也彼車馬往來之衆管絃品奏之繁草上悠揚之蝶風前爛熳之花皆屬物華之盛惜吾困於泥沙閉門嬾出為遊子所笑縱有遊賞自入門來還是蕭條寂寞之舊生涯而已

宮詞

十二樓中盡曉粧望仙樓上望君王漢公孫卿言仙人好樓居黃帝為十

二樓以候神人武帝於是起飛廉觀望仙樓唐德宗貞元十二年戶部尚書裴延齡奉勅修整望仙樓金

銜金獸連環冷水滴銅龍畫漏長初學記殿夔漏刻法曰為器三重門皆遲

百淨下婦去  
非三限春堂  
三延仍前  
早困於泥沙  
不向出有  
修習以珍  
人更不  
少女應  
是上雨之  
虧才年  
上天

尺差立於方輿脚圖之上為金龍口吐水轉注入脚厨  
經緯之中○張衡漏水渾天儀制曰以銅為器再疊差  
置窳以清水下各開孔以玉此吐漏水入兩壺右為夜  
漏左為晝漏○門皆三尺考初學記作圓皆三尺○杜  
詩晝漏稀聞高閣報  
天顏有喜近臣知  
雲髻罷梳還對鏡羅衣欲換更添  
香遙窺正殿簾開處袍袴宮人掃御床

袍袴宮人  
近御之人

此托宮人悵望而作也首言曉粧登樓望君王而不  
見但見永巷之中鎖窗金獸而環冷掖庭之內水滴  
銅龍而畫長其為蕭寂何如已至雲髻罷梳纖影還  
依依於鏡裏羅衣欲換沉烟乍裏裏於爐邊是其無  
聊抑又如此也既而遠窺正殿簾幕初開近侍有人  
御床方掃我反不得如袍袴宮人一侍左右也長門  
玉階之怨亦寧有窮哉  
○正殿宮內之殿也

### 漢武宮詞

漢武清齋夜築壇自斟明水醮仙官

壇之名肇見於書而詳記於禮書止



非下土所植也指荆曰  
此言武帝惑於求仙無成而死葬茂陵也首言武帝  
清齋夜坐於壇自割陰鑑之水獻奉仙官以求長生  
之術故殿前玉女長焚香祝天以祈降福雲際金人  
亦捧盤承露以資延年也然終不得飛升故絳節無  
復入夢碧桃不更驟鸞今葬茂陵引劍埋於烟雨之  
中千載而下空見石馬無聲蔓草萋萋而已得不歡  
其生前之惑哉

### 送靈州田尚書

陰風獵獵滿旗竿  
百草颼颼劔戟攢  
九姓羗人  
唐書九姓羗中吐谷渾別自為一部落別羗大小部落

人皆不相統一  
細封氏費聽氏往利氏煩超氏野辭氏  
唐書九姓羗中吐谷渾別自為一部落別羗大小部落

房當氏米擒氏拓拔氏  
唐書張說為天平軍大使朔  
方大使王峻誅河曲降虜阿不思也九姓同羅拔野固

等皆疑懼說持節從輕騎直指其部宿帳  
六州蕃落從  
下召見虜中豪酋等安慰之九姓遂安

戎鞍  
唐書銀州夏州石州會州河州靈州  
唐書銀州夏州石州會州河州靈州○唐書柳公



畏公召其酋朱耶執宜及妻毋令夫  
欲食問遺沙陀感恩悉力保障  
霜中入塞瑯弓硬

月下翻營玉帳寒今日路傍誰不指  
獲莛門戶慣登壇

史記曰獲莛為司馬有司馬兵法其法春蒐秋獮  
游治兵九禁之法前漢高祖築壇拜韓信為大將

尚書文事兼乎武備故首言陰風獵獵滿於旗竿而  
白草颯颯劍戟之士皆攢聚以聽其號令吾知九姓

之羗人皆隨其旌節六州之蕃落咸從其戎鞍此言  
其威令之振也至於霜中人塞則瑯弓硬月下翻營

則玉帳寒見者莫不指曰前有獲莛後有尚書  
司馬軍法慣用登壇蓋以其同姓故事美之也

### 獵騎

兵印長封入衛稀碧空雲盡早霜微  
涇川桑落鵬初下

渭曲禾收兔正肥涇川渭曲皆屬京兆  
陌上管絃清似語草頭弓

馬疾如飛豈知萬里黃雲戍  
進金瘡臥鐵衣六義中為風也

此訊騎獵之樂不思守邊者之勞也首言騎獵之人  
不理軍務而兵印長封稀於人衛乃當雲靜霜微之

候澆川桑落鵬初下而爭趨渭水不收兔正肥而獵且也奏管絃於陌上清如人語試弓馬於草頭疾似鳥飛此固遊樂矣不知萬里黃雲之戍金齋逆血鐵衣枕臥極其哀苦視此田獵之樂為何如哉

韋壽博書齋 集作韋壽博書

玄晏先生已白頭晉望甫謚字士安修身篤學舉孝廉不就景元初相國辟復不行鄉人勸

言焉幸詔謚為釋勸論以通不隨鶴驚狎羣唐高宗以

武夔龍遊御史或疑非選上官儀曰御史俱奉犀下接

子遊汝取來至海玩之明日遊其父曰吾聞鶴鳥皆從元

卿謝免開三逕嵇康高士傳游詔字元卿杜陵人為元

病不進歸杜陵荆棘塞門舍中三逕終身平仲朝歸臥

一裘朝音潮口齊晏子字平仲為齊大夫禮醉後獨知

殷甲子陶潛詩以龍祀祝靨世幸州恥植身後代自來武

書詩鼓吹卷二

五

以前明書晉氏年號宋永病來猶作晉春秋  
○三季晉精哀字  
 初以後惟書古甲子而已風與京兆杜義俱有盛名且葬  
 皇而目之曰季野有波裏陽秋言其外無戒石而內有  
 所褒也塵纓未濯今如此前註見野水無情處處流  
 也傷也溫庭筠詩中二載此詩其詞氣似此

殷舊也以  
蘇宋也  
 壽博初仕隋隋亡不肯仕唐徵辟皆不就  
 謙輩故以玄晏比之首言公已白頭而不肯隨鷄鶩  
 之班寧仰羣鷗為侶焉是其見機如蔣元卿之謝仕  
 而開三徑其廉潔若晏平仲之罷朝而臥一裘止煥  
 忠誠之心猶淵明之二於宋嚴善惡之辨亦季野之  
 示褒貶也余也反被功名之累未能歸隱以濯塵纓  
 規此流水之無情滔滔  
 莫返予心能無慷慨哉

金城宮  
○唐玄宗所築

憶昔明皇初御天  
龍易時乘六  
 玉輿頻此駐神仙  
龍盤藻

井噴紅艷

張平子西京賦云蒂倒茄於藻井註當棟中

殿堂像東井形刻荷菱水物所以厭火也王延壽魯靈

獸坐金床吐碧烟

以金鍍九尺麒麟大爐階雲外笙歌

岐薛醉

左衛崇景龍三年二月丙子朔岐王隆範為右衛率

中臺謝后妃眠自從戎馬生河洛

安史之亂也深鎖蓬萊一

百年

蓬萊宮名

此唐明皇淫樂於金城宮不恤國政而致敗亡也蓬萊宮人故首云憶昔明皇初建極而遊是宮玉輿駐此宮人護從若神仙之聚焉至龍盤藻井而噴艷獸坐金床而吐烟笙歌臺榭寔與岐薛后妃共與金城之樂自安史作亂而此宮無人蓬萊宮之深鎖至今百年無復曩時之盛已不亦重可嘆哉

驚秋

露作風蟬昨夜秋百年心事付東流明霜義分成虛語

袁淑傲曹于建白馬篇云五侯競書幣阜俗文章惜暗

投○杜甫家問曰夫毅者所以阜俗康時聚人守位者也

相○鄒陽傳曰隋侯之珠夜光之璧以暗投人必按劍

初逢與彭城劉瑒交逢常易之遂相念會瑒當國有薦

除知制誥遂出為巴州刺史而楊收王鐸同牒署第及

以此詩言鐸怒故不見齒卒於簿書又長笑李斯稱

溷鼠○李斯上蔡人為郡小吏見吏舍廁中鼠食不潔近

之憂乃嘆曰人之有賢不肖在所每多莊叟喻犧牛莊

自處耳乃從荀卿學帝王之術也

蒙人楚威王聞其賢厚幣迎之欲以為相周笑曰子不

見知社之巖牛平養之數年衣以文綉以入太廟當是

之時欲為孤五湖烟水盈歸夢蘆荻花中一釣舟先賢

踐滅吳謂范蠡曰吾將與子分國而有之蠡曰君行令

臣行意乃乘扁舟浮五湖終不返○蓬志不遂故有此

此因劉瓛王鐸等昭之故托鶻秋而作也首言露竹  
風蟬衰遲晚百年心事俱付之東流已古所謂明  
霜義分徒成虛語而阜俗文章亦惜暗投蓋指劉王  
謗已以致降謫也然營營利祿笑李斯潤鼠之鴉落  
落風塵羨莊周犧牛之喻人於貧賤富貴亦宜審所  
自處矣余也歸夢依依志在五湖烟水扁舟蘆荻胡  
不把釣竿而長往哉

潼關河亭

屬華州

重岡如抱嶽如蹲蹲音存踞也氣感秦川勢自尊天地

併功開帝宅山河相滌東龍門陳後主詩日月光天德

龍門大河經馮流湍峻嶮聲嘔車中流濺柳色絳州有

急凡魚能上者化為龍櫓聲嘔車中流濺柳色絳州有

岸村而望遠今極雲海之微茫滿眼波濤終古事年來

惆悵與誰論

山岡重疊既如環抱復如蹲踞氣象威感近於秦州帝  
京而形勢亦自尊大乃天地併功而開帝王之宅山

河相溪而東龍門之水也居此亭上開樽舉之嘔札  
見採色之微茫波濤滿眼起滅無常終古之事無不  
如此近來可與論此者其  
誰哉波濤指劉瑒輩也

### 送衢州崔員外

衢州信安縣

笑分銅虎別京師漢置郡國將置銅虎符使替發兵

○文遜范尚書讓侯表云分虎出嶺下山川想到時紅

守○公羊傳曰京師者何衆大也嶺下

樹暗藏殷浩宅晉殷浩中軍將軍假節都督揚豫徐兗

溫上書罪浩廢為庶綠蘿深覆偃王祠史記徐偃王伯

人死於東陽信安縣綠蘿深覆偃王祠史記徐偃王伯

國子民一出於仁義假王死民思之繫石為室以祠假

王後因廟焉在信安縣南七十里靈山下唐韓愈撰碑

文風茅向暖抽書帶三齊畧記鄭玄誌詩靈山今有古

餘俗稱鄭露竹迎風舞釣絲竹品有細草葉形似韭長尺

玄書帶草

知君已負白雲期胸弘賦詩山中何

所有嶺上多白雲

首言員外新拜衛州刺史分符出京歷山川而到信  
安昔殷浩之宅偃王之祠在焉至於彼中風物向暖  
抽書帶之茅迎風舞垂絲之竹此皆足以娛自君勿  
指巖西而數歸家之日蓋功名正屬遠夫必負白雲  
期約而未得還與之共也

### 六街塵

六街塵起

雍洛靈異小錄唐馬周上言令金吾

時人遂呼為擊繁鼓也道士裴脩戲為詩曰遮莫馬足

琴瑟鼓須傾滿滿盃金吾若相問報道玉山頽馬足

作定車輪在處通百役並驅衣食內四民長走路岐中

春秋四民均則王道興而百姓年光與物隨流水世事

寧所謂四民者士農工商也

如花落曉風名利到身無了印不知今古旋成空

長安有六街九陌

此感奔走利名者而作也首言琴瑟報曉之時則塵

埃四起為名利者奔走於車輪馬足之下處處皆然



是街也百工驅馳以為衣食之地四民奔走長在路  
岐之中五六句則指人之奔競而嘆之今之人名利  
羈身無可了日不知今古浮名虛  
利亦轉而為虛空耳何足羨哉

### 潼關驛亭

河上關門日日開古今名利旋堪衰終軍壯節埋黃土

前漢終軍入關關吏與軍繻軍問此何為吏曰為復傳  
還當以此合符軍曰大丈夫西遊終不復傳還棄繻而  
去時年十八選為博士上書願授長纓必攜南越王而  
致之闕下遂至越越王聽許請舉國內屬越相呂嘉不  
欲攻殺其王及終軍漢使者軍  
死時年二十餘故世謂之終童楊震豐碑翳綠苔楊震字伯  
起弘農華陰人安帝時為太尉上書切至帝不能平因  
河間趙騰上書指陳得失帝怒遂收考詔獄詰以罔上  
不道震復救之遂收震太尉印綬遣歸本郡行至寸祿  
城西飲鴆而死詔以禮葬於華陰潼亭今有碑存  
應知霑有分一官常懼處非才晉書東海王越薨眾推  
日吾少無宦情隨牒推移遂至於猶驚往歲同袍者毛  
此今日之事安可以非才者處之

以石以已夫  
中此以名者  
石身自的也

豈曰無衣與子同袍尚逐江東計吏來前漢朱買臣隨計吏為卒將重車至長安

古者每歲秋遣吏以會計獻於天子故曰計吏

此感古今名利之人皆經此關而作首言此關長開古今之人皆從此出入以求名利未幾而亦轉為可哀前矣如終軍之壯節今已身埋黃土楊震之豐碑亦且封於綠苔而勲業果安在哉此名利所以堪哀也今我自分知亦應霑寸祿但處非其才恐職不稱故甚以為懼耳胡為往歲之人尚逐計吏而來此殆亦不知功名之為幻矣夫

### 五峯隱者

烟霞壁立水溶溶路轉崖回日暮中  
鷓鴣畏人沉澗月

山羊投石掛巖松高齋既許陪雲宿杜工部在蜀作草堂在夔起高齋處

焉晚稻何妨為客春今日見君嘉遯處易遯卦九五嘉遯貞吉象曰嘉

正志也遯貞吉以悔將名利役疎慵

首言隱者所居之地州霞壁立水色溶溶路遠山迴  
朝夕如是為可久樂也惟有溶溶之水故瀟湘畏人  
而沉於湖底之月惟有壁立之山故山羊投石而掛  
於巖上之松此雖道五峯之景蓋亦以比隱者始  
光敘迹之意次言宿高齋春晚稻流連款洽  
盡得嘉趣之趣能不懈我之役役於名利哉

### 上吏部崔相公必崔彥昭也

龍門會共戰驚瀾交州記龍門水深魚上者雷電浮雲

出濟滯詩意謂懸藉雲雷出滯紫府有名同羽化指崔

○三元品戒經曰勤感累世念真期靈王鑒其用思者

名玉札於是細書紫宮東華之閣故曰紫府○楚詞仰

射人於丹丘留不死之舊鄉○白孔六帖云碧霄無伴

劫泥飛者應龍之神也時暗而名彰者君子之真也

○張籍行路難龍蟠泥中未有雲不公車未結王生鞅

能生彼昇雲真○一本作昇天翼  
漢官儀公車司馬令周官也秩八百石  
掌諸上書詣闕下者○王生鞅見前註  
密路虛彈貢禹

冠貢禹冠今日鑪錘任真宰莊子太宗師爲黃帝之志其知皆在鑪錘之間注云

開道忘其所務如世間器物假於鑪錘打銀以成其用也○莊子齊物若有真宰而持不得其朕注真宰造物也

暫迴風水不應難詩意望崔公薦之耳

此蓬望崔薦引之意首言與崔同職於龍門崔柳挾雲雷而去有如羽人之登紫府我獨雙風而泥蟠焉

夫其所以然者無知已以爲之薦拔耳惜也王生有才廷尉未結其鞶王陽在位貢禹空彈其冠余之泥

蟠蓋如此今君秉執國政鑪錘萬物假以羽翼使之風搏水擊如公之出濟湍焉常亦無難也崔君其謂

哉之何

### 悼古

如村溫說偈

細推今古事堪愁貴賤同歸土一丘漢武玉堂人豈在

漢武故事云玉堂去地十二丈階基皆用玉故東京賦曰金華玉堂白虎麒麟范曄後漢書曰獻帝初平三年

復修武帝石家金谷水空流晉書石崇光陰自旦還將

唐詩鼓吹卷二

暮草木從春又到秋開事與時俱不了且將身暫醉鄉

遊王績有

首言細推今古之事貴賤雖殊同歸土一丘耳玉堂金谷概屬空花且暮春秋如同過隙人生百年為期無事可了胡不遊於醉鄉哉

九華觀廢月池

曾發簫聲水檻前建興異質書云若夫觴酌凌波

鳳翔夜蟾寒沼兩嬋娟後足下鷹揚其體

虎視上天白鳥帶將林外雪綠荷枯盡渚中蓮榮華不肯入

間住須讀莊生第一篇莊子第一篇

昔曾於水檻之前吹簫行樂爾時夜月寒池兩相映今未幾時而池已廢矣昔之微波抱恨而歸滄海向之明月無情而上青天此兩句分切月池字兼承夜蟾寒沼來且也白鳥飛飛帶將林外之雪綠

是宮主也故  
云蕭聲

荷浙浙枯盡清中之蓮於此而思繁華之景  
不可久留人亦宜讀逍遙之篇而知任達

八月一日駕幸延喜樓看冠帶降戎

二門北曰延喜門唐書宣宗大中三年八月  
月上御延喜門見河隴老幼千餘人賜以冠

帶皆歡呼舞  
蹈呼萬歲

城頭旭日照欄杆

綵仗攢九陌塵埃千騎合萬方臣妾一聲歡

躬樓臺乍仰中天易

左衽難論語微管仲吾清水平莫教波浪濁從今赤嶺屬

長安

唐書清永縣屬秦州通吐蕃道赤嶺屬吐蕃  
亦唐與吐蕃之境

金城公主唐宗女也公主嫁吐蕃生子  
立為太子後公主令立界以赤嶺歸唐

首言日初出時城下降戎持綵仗而畢集是時胡越  
一家同驛陌野歡呼萬歲皆屬王臣已然仰誦聖人  
之德則甚易驟變夷狄之風則甚難今皆承賜而歡  
受焉其致治之隆為何如哉末則戒之謂清水難在  
赤嶺間已屬中國長安之地當與以安靜不可久為煩擾也

### 送劉郎中牧杭州

一州橫制浙江灣臺榭參差積翠間樓下潮迴滄海浪

杭州城東有海門故云枕前雲起剡溪山剡溪即子猷訪戴安道之地吳江水

色連隄潤越俗春聲隔岸還越之吳聖代牧人無遠

近好將能事濟清閑易係辭曰瀾類而長

首言杭州當浙江之灣其間臺榭參差高聳於雲漢之上而樓下潮迴乃海門之浪枕前雲起在剡溪之山且也吳江之水色望去連隄越俗之春聲遙來隔岸此杭州之景象也然當今聖主作人不分遠近君須體聖主之心好將經濟之能事以濟此世為清閑之日可也豈宜以一州自限哉

分道子後所為  
今道三四羊卦  
近五其色  
吳越潤珠不用  
今以是古出  
非如其自

貧女吟

殘妝滿面淚闌干。幾許幽情欲話難。雲髻懶梳愁拆鳳  
翠蛾。羞照恐驚鸞。南鄰送女初鳴珮。北里迎妻已夢蘭。  
有深閨顛顚質。年年長凭繡床看。

左傳鄭文公踐姜燕姑夢天使與已蘭曰是為而子惟  
既而文公與之蘭而御之曰幸妾有子敢徵蘭乎

此傷不能見用以貧女自况也謂世尚小人而君子  
難進猶世尚財而不尚美故貧女難嫁但殘粧滿面  
流淚闌干無限幽情有難以訴人者是以雲髻懶梳  
愁拆鬢邊之鳳翠蛾羞照恐驚鸞鏡中之鸞但見南鄰  
北里之間或鳴珮而歸或夢蘭而孕惟我久處深閨  
形容類頰長倚緒床而已不亦悲乎南鄰句喻初進  
者荷珠頰之榮北里句喻久任者垂子孫之業也  
王元昌曰別後闌干註闌干淚不斷之貌杜詩從此  
山妻孥相視涕闌干

夜宴觀妓

唐詩鼓吹卷二

七



荆楚刀  
五  
人

燈火熒煌醉客豪捲簾羅綺艷仙桃纖腰怕束金蟬斷

之細也 鬢髮宜簪白燕高 漢武帝得白燕玉釵以賜

趙婕妤至昭帝宮人謀碎之明日 愁傍翠蛾深八字 詩

視匣中見釵化白燕冲天而去 舞 詩 妙 效 踏 筵 無 因 得

燕姬翠黛愁 笑迴丹臉 利 雙 刀 舞 星 眸 明 劍 俠 無 因 得

薦陽臺夢 前註 願拂餘香到 緼袍 論 語 衣 敝 緼 袍 者 立

首言燈前宴客綸羅艷麗見其腰若金蟬髮宜白燕

悲而愁傍翠蛾樂而笑迴丹臉此所謂艷若仙桃也

然不得如楚王神女有陽臺之夢倘襲我以餘香亦

云幸矣敢望其他哉此逢借狂蕩以寫其無聊意

### 中秋禁直

韓偓 字致堯京兆人龍紀元年擢第後王溥薦為翰林承旨朱全忠惡之乃構禍貶濮州司馬天祐中復召翰林學士僊不敢入朝挈其家南依王審知而卒號玉山樵人有集傳於世

星斗疎明禁漏殘紫泥封後獨憑欄後漢皇帝六壘皆以武都紫泥封青

白囊素裳兩端無縫露和玉屑金盤冷見武帝射珠

尺一版中約署皇帝光與闕寒離騷九歌魚鱗屋今天褫樓臺歸苑外風吹

歌管下雲端長卿只為長門賦未識君臣際會難漢武帝

皇後以黃金百斤為相如文君取酒用乞解愁悲之辭相如為長門賦以諷上

此偃於中秋直禁撫景興懷而作也首言星斗疎明

玉漏將殘之際天書封後無事憑闕適當扶夜露和

玉屑於金盤月映珠光於貝闕時見樓臺高聳歌管

輕清惟思君臣際會之難而已昔司馬長卿為陳后

作賦以諷武帝卒復寵幸固為美談然不知君臣交

會千古為難何不作賦以曉君上使之親賢哉此必

為朱全忠之毀故有是語云

### 寄湖南從事

索莫襟懷酒半醒無人一為解餘醒岸頭柳色春將盡

船背兩聲天欲明去國正悲同旅雁隔江可忍更啼鸞

蓮花幕下風流客晉王儉以庾杲之為長史與書曰庾杲之泛綠水依芙蓉何其麗也時人

以儉府為蓮花池試與溫存謹逐情

此因朱全忠之陷出貶濮州司馬而作也首言襟懷蕭索而酒當半醒無復有知己者解我之餘醒也解

醒乃解愁此借喻之詞且岸頭柳色正春將盡之時船背雨聲又天欲曉之際斯時也雁向南而背北有

同去國之悲驚喚友以啼春益動懷人之感此吾之所以愁思不絕也從事乃僚府風流之客獨得其所

處何以款慰於我而消譴逐之愁哉

### 避地寒食

避地淹留已自悲况逢寒食欲霑衣仲於知已屈濃春孤館人愁坐

斜日空園花亂飛路辱漸憂知已薄於不知已時危

又與賞心違一名所繫無窮事爭敢當年便息機杜詩迴首

風塵甘

息機

一名所繫是問語此未第時詩也

北嶽倨出依玉窟知時所作首言避地淹留他鄉已  
自悲矣况逢寒食今節安得不霑衣乎斯時也人愁  
坐於孤館花亂飛於空園而身遭困辱知已亦應涼  
薄時際艱危賞心復與相違今為虛名所係而有無  
窮之事當放向當年而無息於事樹乎蓋食  
人之禍當憂人之憂自有所不能忘情也

### 途中經野塘

世亂他鄉見落梅野塘晴暖獨徘徊  
船衝水勢飛還止

一作本神拂楊花去又來季重舊遊多喪逝  
三國志吳質

帝與質書曰昔年疾疫親故惟其災徐陳應劉一時俱

逝痛可言耶昔日遊處謂百年可長保數年之間零落

殆盡言之傷心頃撰其遺文都為一集觀其姓名已為

鬼錄追思昔遊猶在心目而此諸子化為塵壤可復道

子山新賦極悲哀  
哀江南賦以叙其意其序云不無  
危苦之詞惟眼看朝市為陵谷  
詩曰高岸為陵始信昆明  
以悲哀為主  
書詩波火卷二

力有以人  
不復有得

有劫灰

漢明帝初鑿昆明池底得黑灰帝問東方朔曰可問西域梵人及後竺法蘭至問之蘭曰世

界終盡劫火洞燒

劫

劫餘灰也徐幹字偉長陳琳字長文應瑨字德璉劉楨字公幹

劫火洞燒洞大也言天地既燒而復生海成山十二

萬九千六百為一元一元盡乃天地一終蓋小而

年日月時大而元會運世三十年為一世三十世為

一運三十運為一會十二會為一元則天地又二終也

此傷害末世亂而作也首言世亂而居他鄉正當落

梅之時徘徊於野塘之上見船驚水鳥飛而復止袖

拂楊花去而復來上句喻君子去而未遂下句喻小

人退而復進言念遭亂以來故交零落旅舍淒涼如

季重之舊交皆已喪逝子山之新賦又極悲哀世事

日變眼看朝市之將為陵谷矣始信昆明池內果有

劫火之灰歟

惜花

緞白離情高處切  
膩紅愁態靜中深  
眼隨片片公流去

恨滿枝枝被雨侵。總得苔遮猶慰意。便教泥污更傷心。

臨堦一作本一盞悲春酒。明日池塘是綠陰。

此借惜花以寓意也。首言嫩白之離情。辭高樹而自切。膩紅之愁態。依靜地而充深。况片片沿流。枝枝被雨。安得不令人傷悲哉。若幸而保蒼苔以遮紅艷。猶慰吾意。否且沾泥土以污容色。更傷我心矣。故臨階之酒。為春去而送之。至明日則綠陰滿樹。無復紅紫之可見矣。不亦重可惜乎。

### 半醉

水向東流更不迴。紅顏白髮遞相催。壯心暗逐高歌盡。往事空成半醉來。雲護雁。霜籠淡月。雨傷鶯。曉落殘梅。西樓悵望芳菲節。處處斜陽草似苔。

此雖以半醉為題。非寔賦半醉事也。首以東流不迴引起老少相催意。此詩家與比體也。惟其相催故少壯之心。暗逐高歌而盡。已往之事。空成半醉而來。覺紅顏所歷。都不十分醒憶矣。且當雁霜鶯曉。正淡月

殘梅之候觀此景物已動歲月遷流之感况更登樓  
悵快盼望芳菲之節而斜陽青草又舉目如斯耶蓋  
斜陽則日將盡草綠則春欲  
歸言外隱應少壯相催意

春盡

惜春連日醉昏昏醒後衣裳見酒痕細水浮花歸別澗  
斷雲含雨入孤村人閑易得芳時恨地迥難招自古魂

楚宋玉傷屈原一篇慚愧流譽相厚意清晨猶為到西園  
為作招魂一篇慚愧流譽相厚意清晨猶為到西園

首言春之將去連日醉酒以遣意醒後猶見衣裳之  
酒痕也春盡時水浮花而歸澗雲含雨而人村此時  
在閑中者蕭條寂寞每易起芳時之恨在他鄉者流  
離飄泊孰為招自古之魂耶古人流落他鄉失意懷  
悴親故設詞以慰其流落亦得曰招魂意此避地獨  
中依王審知時所作故有是語末云慚我與世相違  
而流鶯乃有相厚之意於清晨猶到西園以慰我悵  
悴之思也然則不及流鶯之厚意者其可勝數哉

三月

辛夷纔謝小桃發辛夷花名二月開初出踏青過後寒

食前四時最好是三月一去不廻惟少年吳國地遙江

接海漢魂斷草連天新愁舊恨知無奈須就鄰家甕

底眠晉畢卓為吏部郎比舍郎釀熟草夜至甕間

首二句形容三月之景言四時之美無踰三月而一

去不返惟此少年蓋因時序而及人生也斯時吳國

春濤江流接海漢陵殘鬼草色連天富貴勳名渺不

可即而况少年耶固推今古之事新愁舊恨莫可捐

抱須就鄰家甕底以遣懷抱耳此言自得達人之致

長夏居闌門不開梁元帝纂要云夏為長羸即恢台

門青董絕塵埃詩董茶空庭日午獨眠覺放夢天涯相

見廻鬢向此時應有雪心從到處即成灰後到處一作別



唐詩鼓吹卷二

六

死○若○如○何○水○陸○三○千○里○幾○月○書○郵○始○一○來○

晉殷美為章太守都下

曰沉者自沉浮者自浮殷洪喬不能為置書郵

首言長夏時閉門閑居遠門青樓絕少塵埃時午睡

至髮已生雪心亦成灰庶幾音書時至有以慰我何以水陸三千幾月之久始得一書哉

秋郊閑望有感

楓○葉○微○紅○近○有○霜○碧○雲○秋○色○滿○果○鄉○魚○衝○駭○浪○雪

鱗○健○鴉○閃○殘○陽○金○背○光○心○為○感○恩○長○慘○賦○鬢○因○經○亂○早

蒼○浪○白○詩○巽○髮○蒼○浪○可○憐○廣○武○山○前○事○楚○漢○寧○教○作○賊

場○晉○阮○籍○嘗○登○廣○武○觀○楚○漢○職○處○嘆

廣武山在寧陽縣也

首言秋郊所望楓葉微紅碧雲亦含秋色而滿於吳鄉焉乃若駭浪魚衝雪鱗能健殘陽鴉閃金背生光

蓋隸字正應衡字光字應閃字也以余今日心長慘  
成者專念君恩髮早蒼浪者緣逢世亂際此艱危因  
思廣武山前之事楚漢紛爭而動阮籍登山之嘆亦  
有如余之秋郊長望者矣言念世亂寧不真為可憐  
哉○本集作可憐廣武山前語楚漢兩無英雄虛教爭  
妙謂據阮籍廣武山前之語楚漢兩無英雄虛教爭  
踴僱蓋薄視  
當日英雄也

### 安貧

昭宗而許僮為相僮奏云運契中興宜復

用重德鎮風俗對薦右僕射趙崇梁祖在京  
駁入請見其言崇王短昭宗曰趙崇是韓僮  
所薦時僮在側梁祖三叱之奏曰臣不敢與  
大臣爭僮尋出閣中依王審知故有此作山

谷云其辭凄切而不  
迫可謂不忘其君也

### 手風慵展

八行書後漢竇章字伯尚好學與馬融  
同好共相推薦融與竇書曰孟陵

來賜書見手跡歡喜無量次於  
而也書雖一紙八行行七字

眼暗休尋九局圖  
孟陵

局○唐王積薪夢青龍吐棋  
隨明皇西幸宿山中孤姥之家

夜忽聞姑與婦棋密記

寺支大卷二

三

止三十六忽聞姑云子北矣吾勝七拜選明王具禮請

問出局盡生平之好姑謂婦曰是子可教因指示殺奪

救應之法曰此已無牕裏日光飛野馬莊子逍遙篇曰

激矣出吳叢談記無牕裏日光飛野馬也蓬埃也

註野馬春月澤中之按頭筠管長蒲蘆爾雅蒲蘆蝶螈

遊氣塵埃之細者也細腰○毛詩疏義曰螟蛉似步屈

音咽翁詩疏似蜂而細腰○武書卷間筆筒中七日化

其色青土蜂取之置空木中或書卷間筆筒中七日化

成子蒲蘆謀身拙為安蛇足史記陳軫見楚使昭陽曰

謂曰酒不足眾飲請畫地為蛇先成者獨飲一人先成

舉酒欲飲曰吾更能畫蛇足後成人奪酒飲之曰蛇本

無尾有足幸國危曾才作捋虎鬚盜匪盜匪不從曰丘

非蛇也幸國危曾才作捋虎鬚盜匪盜匪不從曰丘

所為無病而自炙者也疾走料舉世可能無默識音志

虎頭編虎鬚幾不免於虎口也舉世可能無默識音志

而識之未知誰復試齊竿復一作擬○齊宣王使人吹

等濫於三百人中食祿宣王死文

王卽位一一聽之先生乃逃去

勝負之意至胞裏日光長飛野馬案頭筠管時長蒲

首言手風眼暗八行九局無所事此蓋寓屏交游忘

蘆安貧一室寂寥已甚而更念我拙於謀身徒添  
蛇之足忠於報國曾將暴虎之鬚蓋謂不為則  
全忠無自而加害似乎蛇足在鳳舟時非季運以  
昭宗是為料鬚地此其賢奸忠彼豈無有然而  
者然必待聖明之君勿人而試之如齊文王之  
則明禱如東郭輩將逃而去此矣否則小人在  
賢免於安貧哉

### ○殘春旅舍

承首句

旅舍殘春宿雨晴恍然心地憶咸京秦為咸陽樹頭蜂  
抱花鬚落池面魚吹柳絮行漢制伏于歸靜城酒衝愁  
嗚山奇兵兩梁免被塵埃汙石冠兩梁拂拭朝簪待眼  
明此詩言雖依王代而心惟在帝室不汚其偽命也

首言客舍殘春暮雨已霽吾心惘然而憶咸京焉當  
此春盡之際蜂抱花鬚而落魚吹柳絮而行而余詩  
思如魔藉禪心而歸於淨域愁情成陣仗飲興而衝  
以奇兵此其為殘春景况也然余恍惚咸京者昔人

李詩支之二

振衣彈冠以登仕路今幸兩梁免汗塵幾拂拭  
朝替以俟河清之日耳其何時而副所望哉

贈僧僧必唐臣亦肯活他命而逃江外者借乎

盡說歸山避世塵幾人終肯別羣氛一本餅添澗水盛

將月袖掛松枝惹得雲三接舊承前席遇康侯川錫馬

繁庶畫日三接也漢文帝徵賈誼至上

因問鬼神之事唯賦其所以然之故至

靈今用戒香熏栴檀有定相逢莫話金鑿事

此在朝送僧還依國也

持首言人若自謂歸山以避世塵然離塵氣而隱者

幾人哉惟汝歸山則就添水而盛月袖掛松而惹雲

自昔在朝則受君禮遇今日歸山則攝受威儀若武

道人勿道金鑿之事言之存解於心而不忍問也

夫其溫柔敦厚之道而已如此詩未嘗非褒而詩以

贈僧首引俗情以為斷蓋必其久鋼塵氛今首歸山  
便足鳴高者耳其一則曰盛將近則曰悲得者似乎  
盛月惹雲而猶未足也至舊承龍遇今川熏將將三  
外矣未戒其語金鑿事者地僧談世事雖歸山而尚  
有未遊之世塵未別之蒿氛故借解懸傷心以止之  
也金鑿事指當日宦官

鎖院強臣弄兵而

○ 概水禽在湖南體○ 在在○ 而其後○ 選平

兩兩珍禽渺渺翠衿紅掌淨無泥杜詩翠衿向陽眠

處莎成毯踏水飛時派作榜依倚雕梁輕祖燕叩揚金

距笑晨雞左傳季邢之雞國季平子勸君細認漁翁意

莫遺緹羅悞穩樓之網也○ 其其○ 愈愈○ 以以○ 組組○ 疎疎○ 不不○ 吝吝○ 為為○ 行行

此以水禽比高尚清幽之士末則致其諄囑之詞首

言兩兩珍禽在於溪上翠衿紅掌潔淨無泥其自適

也睡而向陽以莎草為毳遂飛而貼水以波浪為階

檢輕社燕之依倚焚巢無恐笑晨鷄之揚柳介羽無

唐詩鼓吹卷二

九

傷此固清高矣然當細認漁父之意賦亦不無指言身借賦也勿使網羅之密有悞其高栖之趣也

### 贈易卜崔江處士

白首窮經通秘義窮一經青山養老度危時孟子太公

開函伯善門傳組綬身能退謂簪纓家學漁樵迹亦奇亦一

養老者四海盡聞龜筮妙禮記月令立冬命太史驟龜策

作更日者傳九霽堪嘆鶴書遲蕭子良古今纂錄文體曰書

移文鶴壺中日月將焉用借與閑人試一窺後漢費長

書赴隴樽中日月將焉用借與閑人試一窺房為汝市

椽市有老翁賣藥挂一壺於肆頭市罷輒入壺中入莫

之見推長房於樓上觀之異焉因往拜翁乃與俱入壺

中見玉堂嚴麗旨酒共看共飲畢而出曰

我神仙之人以過見責今事畢當去耳

手單寒之輩矣然族多仕宦曾傳組綬之貴獨能退  
居不仕兼學漁樵此其迹為更奇耳乃龜策之占固  
傳其妙而鶴書之詔又何其來之遲遲耶蓋崔君之

術不異長房則壺中日月之樂既無窮盡  
宜借與世之閑人一鏡也結妙有遠意

過臨淮故里

○李光弼平安史之此篇反似許仲助  
亂有大功封臨淮王

交遊昔歲已凋零第宅今來亦變更舊廟荒涼時享絕

時享絕謂歲時  
祭祀無有也諸孫饑凍一官成杜詩云諸孫貧無事  
開舍如荒村○一本

舍五湖竟負他年志五湖見前注百戰空垂異代名榮盛

幾何流落久遣人懷抱薄浮生

此因經臨淮見光弼故里而作也首言昔日光弼之  
英雄豪邁一時交遊者今已凋零所居第宅亦已變  
更矣今故里雖有光弼之廟而寂寞荒涼無復享祀  
諸孫雖有一官之封而官卑祿薄不免饑寒蓋當時  
光弼不如范蠡之智遊居五湖已負他年之志雖平  
安史之亂進戰百勝空乘後世之名耳今過此而憶  
其生前之榮華富盛不及百年流落  
已盡有不遣人薄浮生之富貴哉

傷亂



岸○上○花○根○總○倒○垂○水○中○花○影○幾○千○枝○一○枝○影○寒○山○裏○  
野○水○野○花○清○露○時○故○國○幾○年○猶○戰○鬪○異○鄉○終○日○見○旌○旗○  
交○親○流○落○身○羸○病○誰○在○誰○亡○兩○不○知○

此因唐之亂臣倡亂而作首云岸上花根倒垂而花  
映水中殆有幾千枝之多也其映水中者一技一影  
皆在寒山寂寞之中而野水野花反得清露沾濡之  
澤焉此托物以興下也五六句言離亂之定昔若故  
國戰事未平今在其鄉旌旗猶在離亂兵戈未息其  
於此時者也交游親戚俱遭流落而吾身又羸病於  
此尚未得歸誰沒誰存俱不相聞問某得不傷心乎  
首二句喻民生塗炭三四句喻君子投閑小人目寵  
後四句言因離亂而傷心也

○鵲見自竹行述可匹敵曲江公海燕詩

偏○承○雨○露○潤○毛○衣○黑○白○分○明○衆○所○知○高○處○營○巢○親○鳳○閣○  
閣一作闕○帝王記云靜時閑語上龍塹作闕一化爲金

黃帝時白鳳巢於阿閣

印新祥瑞搜神記張顛為梁州有山鵲飛翔化為開  
向銀河舊路岐填河而渡織女一鵲上怪天涯樓不穩托

身須是萬年枝謝玄暉直省中詩云紫微太清肅形庭

徵太清肅一本作紫殿蕭陰陰與文選同武帝華林園

叔景福殿賦云綴以萬年終以紫榛注晉武帝華林園

中有萬年樹二十四株江左

謂之冬青樹詩雜也綴連也

此詠鵲以自喻也首云鵲之承天雨露潤澤毛衣而

黑白分明兼有文彩人皆快覩此喻報第後為眾所

知也且在高處營巢依於鳳閣之上靜時言語上於

龍墀之中二句蓋指入官為翰林學士中書舍人而

言之至或化金印而為祥瑞向銀河而臨路岐上句

喻面許為相下句喻流所調用耳今若飛遠天涯樓

○禁中作集作兩後月中玉堂開

銀臺直北金鑾外銀臺宮門也唐書天寶初賀知章見

李白文嘆曰白謫仙人也言於玄宗

元復和孝德  
 裕廷夢清叔  
 勃岸舊道有  
 神板引從條  
 三石月臣院有想  
 於以掩袍直書  
 老史素出入時引  
 五代估呼劫  
 再共後報未忘  
 史引其情乾  
 急引以中書

唐詩鼓吹卷二

三

詔見金鑾殿有暑雨初晴皓月中惟對松篁聽刻漏中宮

更箭也○漢宣帝備更無塵土翳虛空綠香熨齒金盤

刻漏陽上郡列卿更無塵土翳虛空綠香熨齒金盤

舉詩况開內金清冷侵肌水殿風第中水殿天坐

久忽聞鈴索動玉堂西畔響丁東唐李德裕云翰林故事

有懸鈴以備警急文字引之以代傳呼也唐李尋傳玉

堂殿名也待詔者直署在其側李尋時待詔黃門故云

久汙玉堂之署又唐制禁署嚴密非本院人雖有公事

不敢遽入至於內夫人宣事亦先引鈴笏有文書即內

臣立於門外鈴聲動本院小判丁東寺常

官出受訖授院使院使授學士

首言銀臺直北是金鑾殿之外余於此直禁暑雨方

晴月光輝映但對松篁而聽刻漏更無塵土以髻長

空也且受天子所賜金盤之果極其香美而此時身  
 乘水殿涼風襲襲不覺坐久忽聞玉堂西畔鈴索丁  
 東又有緊急文字臨院矣禁近  
 清華景象不於此可想見乎  
 王維字摩詰太原人開元十九年狀元及第擢左拾  
 遺給事中賊陷京師為所擒維吞藥併瘞嶽山

僅  
 漢  
 泉

愛其才逼至洛陽供舊職拘於普施寺賦冥淥碧池遺梨園諸工合樂維痛悼賦詩曰萬戶傷心生野烟百官何日再朝天秋槐葉落空宮裏凝碧池頭奏管絃詩間行在所乎賊後授偽官者皆定罪獨維得免仕至尚書右丞卒有集傳於世

### 和賈舍人早朝大明宮之作

絳幘雞人報曉籌漢官儀宮中不畜雞汝南出長鳴雞衛士候於朱雀門外著絳幘專傳雞

唱漢魏故事軍中傳箭以直尚衣方進翠雲裘唐制

更曉籌謂宮中五更初之籌也宮有尚衣尚藥尚食皆奉天子者宋玉風九天閶闔

賦曰主人之女繫采日之華被翠雲之裘開宮殿九天數起於一立於三成於五盛於七處於萬

國衣冠拜冕旒左傳禹會諸侯於塗山執玉帛者萬國

陶及周官禮記以定冕制天子冕七寸長一尺二印色

才臨仙掌動望華嶽即日出之所也故香烟欲傍衣

此言示世人也

龍浮

天子服袞龍詩曰袞職有闕惟仲山甫補之○書曰予欲觀古人之象日月星辰山龍華蟲作會宗

彝藻

火粉米黼黻絺繡以五采彰施於五色朝罷須裁

作服

註天子之服也○杜詩五聖聯龍袞

五色

詔北史鄴中記曰石虎詔以佩聲歸向鳳池頭池

荀勗

為中書監除尚書令勗第五復醒早字流淵不板

曰奪我

鳳凰池諸君何賀耶

首言君

將視朝絳幘雞人已傳呼而天將曙故尚衣

之官亦

進翠雲之裘也乃若天子居九天之上開闢

闔以視

朝衣冠盡萬國之中望冕旒而趨拜是時也

日色才

出遙臨仙掌香烟浮動欲傍袞龍王家重熙

累洽萬

方清晏有此冠裳玉帛之會何其盛歟末聯

歸美舍

人言朝罷而裁五色之詔珮聲亦歸於鳳凰

池矣此正結出和詩意○史記封禪書九天巫祠九

天注淮南子云中央鈞天東方蒼天東北旻天北方

玄天西北幽天西方皓天西南朱天南方炎天東南

陽天太玄經云一中天二美天三徙天四罰更天五

時天六廓天七成

天八治天九成天

酬郭給事

親未斷知此詩乃官給事時作

清宮  
中  
書  
省

洞門高閣霽餘暉桃李陰陰柳絮飛禁裏疎鐘官舍晚

省中啼鳥吏人稀前漢禁中避元帝后父晨搖玉佩趨

金殿夕奉一本捧天書拜瑣闥漢制給事黃門之職日暮

青瑣門在南宮顏師古曰刻為連瑣文而青塗也○唐

書郭承嘏為給事中太宗開成元年出為華州刺史詔

下給事中盧載封還詔書奏曰嘏自居此官繼有

封嘏能奉其職宜在瑣闥牧守之才易為推擇

從君無那老那一作奈○一將因臥病解朝衣

首言給事官舍洞門高閣霽有餘暉李滿庭而柳

花飛絮皆言省中景物也時給事在禁中聞禁裏之

鐘而官舍已晚聽省中之鳥而吏人亦稀官居清要

無雜事之擾可知已若夫給事之職晨則鳴玉珮而

趨金殿夕則捧天書而拜瑣闥貴為侍從之臣也余

積雨朝川莊土

卷之二

積雨空林烟火遲蒸梨吹黍餉東菑孟子有童子漢漢

水田飛白鷺陰陰夏木嘒一本黃鸝山中習靜觀朝槿

松下清齋折露葵文選王褒賢臣野老與人爭席罷

黃帝篇湯朱南之沛至梁而遇老子曰而唯唯而軒軒

而誰與居太白若辱盛德若不足揚朱曰敬問命矣其

往也舍者迎將家公執席妻執巾櫛舍者避席揚者避

竈其返也舍者與之爭席言同邸之人與之爭席而坐

以其遺去粹誇和光海鷗何事更相疑海鷗見

混俗故也詩意取此

首言莊上空林積雨烟火遲是時松黍蒸梨而饋

餉於東菑之入矣夫積雨乍晴則水田漠漠而飛白

鷺夏木陰陰而嘒黃鸝此時山中習靜但觀槿花以

自娛松下清齋哪折葵菜以自食耳其在是莊也與

客同樂幾心盡息自野老爭席之外無是非權力之

爭海鷗隨波上下更何自而相疑哉郝註謂野老與

人雖睢盱盱賓主兩忘爭席而坐渾然太古之風焉

故海鷗亦不相疑也清齋當屬清靜齋心之意本

集註引陰符經云如傳

同好必清齋而授之

送楊少府貶柳州

明到衡山與洞庭若為秋月聽猿聲愁看北渚三湘客

楚辭帝子降兮北渚目渺渺兮愁予寰宇記湘陰惡說南

潭湘鄉湘源謂之三湘也○淮南子曰若統之候風也許慎曰

風五兩輕兩音量○淮南子曰若統之候風也許慎曰

為之重八兩繫於掩竿之顛韻音刊視也○青草瘴時過

夏口鄂州記夏謂之青草瘴飲謂之黃茅瘴○白頭浪裏

出涇城之涇城即今長沙不久留才子賈誼何須弔屈平

漢賈誼謫為長沙王傳意不自得及渡湖水為賦以弔

屈原云恭承嘉惠兮俟罪長沙○屈源兮自沈汨羅

造託湘流兮敬弔先生遭世罔

首言明日之行山衡州及洞庭時鄉國之遙客思之

重宛然對秋月而聽猿聲也○今少府與余相別將為

北渚三湘之客故不欲說其風帆之便而去之速

也頸聯自其所過之時景言之當夏時而過夏口由



水路而由溢城宜如賈誼之不久留於長沙則亦不必向瀟湘而弔屈平也○三湘客集作三湘遊

### 勅借岐王九成宮避暑應教

在鳳翔府麟遊縣西五里即隋仁壽

宮也○諸王命曰應教天子曰應詔皇后太子曰應旨隋楊素作九成宮乃仁壽宮後以

獨隋文帝薛

帝子遠辭丹鳳闕

帝子即岐王丹鳳宮門名

天書遙借翠微宮

爾雅釋云

山未及上謂之翠微○鄴中記山氣青縹色曰翠微○

明皇已幸翠微宮復為王求勝地為細第出白天六帖○長安城南山中亦有翠微

隔

雲霧生衣

上卷幔山

泉天鏡中

周庾信東宮行兩山銘翠幔初開

新粧旦起樹入床前山來鏡裏

林下水聲

誼笑語巖前樹色隱房櫳

班婕妤賦曰房櫳虛兮風

冷冷師古曰房櫳疎檻也

家未必能勝此何事吹

尚碧空

吹簫見

首言岐王遠辭鳳闕者因天子詔借九成宮以避暑故承命而往也以是宮之景言之雲霧霏霏宛結衣

居時太和宮石梁下殿宮與九成宮異名

上山泉滴滿若入鏡中是時也林下水聲雜人笑語  
巖前樹色隱映房櫺此景出於塵寰之外以比仙家  
未有能勝之者今遊此避暑又  
何慕乎吹簫而遊碧天之上耶

### 和太常韋主簿五郎溫泉寓目

○方輿勝覽秦

女吐之發瘡始皇怖女乃出溫泉  
洗之卽愈漢武於此建溫泉宮

漢主離宮接露臺

長安志臨潼縣驪山東南三十里有  
秦始皇墓驪臺祠在焉不齋戒往者

卽風雨迷道去露臺祠  
不遠故日接露臺也

秦川一半夕陽開驪山上有夕  
陽樓在焉

青山蓋是朱旗遶碧澗翻從玉殿來新豐樹裏行人度

前漢高祖移豐縣於  
灃山下故號曰新豐小苑城邊獵騎迴前漢蕭望之以

苑東門候王翁仲曰不肯碌碌反抱關  
爲望之曰各從其志小苑在長安東  
聞道井泉能獻

賦憑知獨有子雲才前漢揚雄字子雲成帝祠其  
泉秦時還雄上井泉賦以諷

此借漢主爲言不敢直斥唐也首言漢主離宮移近  
始皇露臺自長安秦川而往半程之間卽見驪山夕

陽之樓已開矣常君王遊此之時見朱旗圍繞於青  
山之上碧澗迴旋於玉殿之旁行人由新豐而度獵  
騎自小苑而廻皆就宮中所見言之末謂其泉獻賦  
獨羨子雲之才蓋以此太常寓目之詩也此合和詩

體之

### 酌酒與裴迪

酌酒與君君自寬人情翻覆似波瀾晉陸士衡君子行

道險而難休咎相乘躡翻覆似波瀾白首相知猶按劔前漢鄒陽上梁王

傾蓋如故何則知與不知也又曰明月之珠夜光之璧

也朱門先達笑彈冠見前草色全經細雨濕杜詩曉處看

重錦花枝欲動春風寒世事浮雲何足問杜詩流水生

官城不如高臥且加飡晉書謝安傳征西將軍桓溫請為

違朝旨高臥東山諸人每相與言安石不肯出將如蒼

生何古飲馬長城窟行云長跪讀素書書中竟何如

上有加食食  
下有長相憶

此裴下請不遂因與酌酒解之也  
有言酌酒與君且  
自寬意大抵人情反覆有似波瀾之無定耳彼白首  
相知且猶按劍朱門先達每笑彈冠此皆人情之翻  
覆也今者與君酌酒常草經雨濕花動風寒之時浮  
雲世事曾何足問不如高臥加食以適志  
耳功名祿位安足羨哉此正應有句意

春日與裴廸過新豐作一本昌里訪呂逸人不遇

桃源面面少風塵  
○面而本集作一向而面誤少一作絕  
○陶潛桃花源記晉大元中武陵人

捕魚為業沿溪行忽逢桃花夾岸逢異之行盡木源得  
一山有小口入豁然男女衣著悉如外人見漁人驚問  
遂還設酒食自云先世避秦亂入此山與外人不通  
來其間今是何世住數日辭去柳市南頭訪隱淪  
○字子真長安瑩甚街閣各有豪俠章在城西柳市號曰  
柳市萬子夏○文選謝靈運詩既在隱淪者亦棲肥遯

賓到門不敢題凡身  
○命駕後安來值康不在稽喜出戶  
○晉王

延之不入門上題鳳字乃凡鳥也看竹何須問主人  
○晉王

晉詩鼓吹卷二

五

字子歆時吳中士大夫家有好竹欲觀便出與造竹城  
下往來諷嘯良久主人灑掃請坐撤之不顧而去

外青山如屋裏東家流水入西鄰閉戶著書多歲月

楊雄閉戶草太玄經又種松皆作老龍鱗

首言逸人所居不異桃源之景其在新豐里亦猶子

夏之處柳市也我今尋訪不遇若呂安之訪嵇康但

不敢題鳳而去然子歆看竹亦何嘗以必遇為期哉

今見此地青山流水儼然如畫而閉戶著書添於歲

月其所植之松亦已作老龍鱗矣不可致逸人

之雅尚哉○末句宋本作種松皆老作龍鱗

高適後擢諫議大夫出為蜀彭二州刺史遷西川節

度使還為左散騎常侍卒

### 送李少府貶峽中王少府貶長沙

嗟君此別一本意何如駐馬銜盃問謫居巫峽啼猿數

行淚峽中衡陽歸雁幾封書長沙青楓江上秋天遠長沙

有詩文二十卷傳於世

有青楓江白帝城邊古木疎白帝城在峽中即公孫述所築

聖代即今多雨露暫時分手莫踟蹰詩一本作躊躇○杜

從來多古意臨眺獨

脚蹰○亦作躊躇

巫峽在西蜀夔州衡陽在湖廣潭州方

與勝覽昔有白龍自此升去名白帝城

首言嗟君此別其意何如且駐馬銜杯以問其滿居

焉彼道由巫峽則開猿而下派路由長沙則觀雁而

封書且既至楚中青楓江上見秋天之遼遠將投蜀

地白帝城邊值古樹之蕭疎此可謂失志之寧而豈

久於遷謫哉今聖天子在位澤如雨露當即賜環

此亦暫時分手而已不必猶豫於臨行之際也

岑參南陽人文本之後天寶中進士官至左補闕起

居郎署官侍御史退居杜陵山中卒有文集行

世於

和賈舍人早朝大明宮

鷓鴣紫陌曙光寒鸞轉一本皇州春色闌金闕曉鐘開

作轉

萬戶玉階仙仗擁千宮杜詩仙仗花迎劍佩星初落柳

拂旌旗露未乾獨有鳳凰池上客鳳凰池見前注陽春一曲和

皆難文選宋玉對楚王問曰客有歌於郢中者始曰下

屬而和者不過數十人故其曲彌高而和之者彌寡

首言羅鳴紫陌曙色猶寒時方暮春故鶯囀皇都而

君視朝之際玉階仗列共擁千官是時也花迎劍佩

星初落而未沉柳拂旌旗露尚凝而欲滴此皆言時

之早也末謂舍人之詩若白雪陽春難於屬和才思之高妙當可想見矣

張說字道濟洛陽人垂拱中舉博學科中第三等

平章事終左丞相封燕國公有文集並傳於世

### 奉和春日幸望春宮

別館芳菲上苑東飛花澹蕩御筵紅蕩一作落城臨渭水天

河靜闕對南山雨露通遶殿流鶯凡幾樹兼沈約上巳

樹流鶯當蹊亂蝶許多叢春園既醉心和樂詩云既醉

德以共識皇恩造化同

此言別館芳菲在上苑之東而飛花淡蕩色映御筵  
可見其景色之媚矣若夫城臨渭水如天河之靜深  
關對南山荷雨露之沾漑雖流鶯亂蝶亦皆怡然自  
適各得其所况春園賜宴羣臣莫不心醉而和樂信  
乎皇恩浩蕩與造化同功也豈獨樂而不恤民者哉

### 幽州新歲作

去歲荆南梅似雪今年薊北雪如梅共知人事何嘗定  
且喜年華去復來邊鎮戍歌連日動京城燎火徹明開

詩庭燎遙遙西向長安日晉明帝數歲元帝抱置膝前

屬長安使來因問汝謂日與長安孰遠對曰長安近不聞人從日邊來元帝異之明  
日懸羣臣又問之對曰日近元帝失色曰何乃異問者



之言對曰舉頭見日不願上南山壽一杯詩小雅天保見長安於是益奇之

日之升如南山之壽不驚不崩

此說在幽州鎮守不得趨賀元正而作首言去歲在

荆南地暖而梅開如雪今年在蜀北地寒而積雪如

梅也夫即所居之不定可見人事亦復無常但喜年

華舊而復新無今年去年之異耳自入歲以來邊鎮

之戍歌連日未已京城之燎火徹宵猶明而我身居

此地不得趨承殿陛惟有西向而拜以祝南山之壽

已而

耿津法終於左拾遺有詩二卷傳於世

道傍老人

老○人○獨○坐○倚○官○樹○欲○語○潛○然○便○淚○垂○陌○上○歸○心○無○產○業○  
城○邊○戰○骨○有○親○知○餘○生○尚○在○艱○難○印○長○路○多○逢○輕○薄○兒○

晉謝靈運詩杳杳日西頽漫漫長路迫○漢書李寶勸  
劉嘉且觀成敗光武聞之告鄧禹曰孝孫素謹當是長

安輕薄見談之耳嘉字孝孫也○後漢馬援書戒兄子嚴敦曰效龍伯高不得猶為謹救之上效杜季良不得陷為天下綠水青山雖似舊如今貧病復何為史記原憲曰若

憲貧也非病也○晉顏延年詩

陶潛曰少而貧病居無僕妾  
首言老人倚樹獨坐欲語淚垂蓋以兵戈之亂心歸  
陌上已無產業可耕骨朽城邊多有親知可憫且未  
盡餘生尚在艱難之日而茫茫長路又多輕薄之兒  
雖山水如舊而貧病無聊不知何所作爲而後可耳

### 送友人歸南海

遠別悠悠白髮新江潭何處是通津潮聲偏懼初來客  
海味惟甘久住人漠漠烟光前浦晚青青草色定山春

定山在錢塘南四十七里定山出浙江數百尺潮至此  
輒抑聲過復雷乳靈怒○沈約早發定山詩風熱愛遠  
壑晚游汀洲更有南迴雁亂起聯翩北向秦

見奇山  
首言悠悠遠別白髮漸添自此至江潭尚遠未節是  
通津也且浙江之潮聲本以懼客而南海之食味惟

唐詩鼓吹卷十一

三五

耳住人君往居彼奚傷耶今日之別烟花漠漠方當  
漁浦之晚草色青青適逢定山之春當此景物觸人  
愁思已無聊賴君行至彼汀洲有南迴  
之雁聯翩亂起可無遠書以慰所思耶

唐詩鼓吹卷第三

元資善大夫中書左丞郝天挺註

古岡後學廖文炳解

虞山後學

錢朝彙 王俊臣

王清臣 陸貽典 叅校

陸龜蒙

字魯望舉進士不第遂放浪山水間號江湖散人又號天隨子甫里先生後以高士徵不

就含有笠澤叢書三卷并詩文十六卷行於世

憶白菊

我憐貞白重寒芳前後叢生夾小堂  
月朶併開無絕艷

風莖時動有奇香何慚謝雪中情詠

中情一作情才○見女講論文義公曰白雪紛紛何所似兄子胡兒曰撒鹽空中差可擬兄女道蘊曰未若柳絮因風起

為岡在別野岳思歸家耳

美劉梅貴色

宋武帝女壽陽公主人日臥於含章

去後有梅花粧武帝卽劉裕更憶幽牕凝一夢夜來村

落有微霜

此憶故園白菊而作首言我愛此菊之貞白寒芳爽  
生於小堂之前後爲可賞玩也惟貞白故如月之無  
艷態惟寒芳故迎風而有奇香是以比之雪味而無  
愧雖有梅粧而不美也然而更有憶者西牕凝夢之  
夜村落正有新霜蓋以菊必  
冒霜而開故憶菊兼憶此耳

別墅懷歸

水國初冬和暖天南榮方好背陽眠榮簷題詩朝憶復

暮憶見月上弦還下弦遙爲晚花吟白菊近炊香稻識

紅蓮紅蓮和飯何人壽我黃金百春秋後語曰耶難之北有  
蘇人侯蘇秦往說之人侯

送以黃金百鎰其家承諫曰君侯與客無故舊而送百  
金其說可得聞耶人侯曰客天下之辨士立談之間而

黃金百鎰

奪我地而復歸之吾地  
雖小豈直百金也哉  
買取蘇君負郭田史記蘇秦嘆曰使我有濟

陽負郭田二頃吾豈

能佩六國相印乎  
此在他鄉見時物而懷歸故言故國初冬尚暖尚簷  
之下可并眠以適意而思之未得還也今吟咏遣懷  
朝夕遠憶而弦望易過何日可歸但在他鄉見晚花  
而思別墅之白菊炊香稻而懷別墅之紅蓮耳安得  
黃金買蘇君負郭之田自  
耕而樂不費懷思別業乎

### 寄淮南鄭賓書記

記室千年翰墨孤言鄭賓辭翰于惟君才學似應徐三

志汝陽應瑒字德璉丑丁驅得神功蜀王本紀惠王

北海徐幹字偉長丑丁驅得神功蜀王本紀惠王

牛置金其後蜀人見之以為牛能便命乃使丑丁力士  
拖牛成道置之成都秦王知蜀王好色獻美女五人蜀

王遣丑丁迎女還梓潼見大蛇入山穴中一丁引其尾  
不能出丑丁共引之山崩丑丁上山化為石○李白大  
獵賦云丑丁推案一夫拔二酉搜來祕檢疎天子藏異

木下整高顏深平嶺谷

書於大西山小西山之中方輿紀云秦人隱學於小西

山中石穴中所藏書千餘卷梁湘東王尤好聚書故其

賦曰訪西陽之逸典○唐段成式著書有異乎世俗故

取諸逸典之意名曰西陽雜俎○孝經鈎命決曰丘撮

秘文詩意言鄭書記之文章如五丁之神功搜索遺編盡二酉之秘奧煬帝帆檣歸澤國

隋煬帝開運齊梁引穀水浴水達於河引河通於淮造

龍舟鳳網黃龍赤艦數百艘幸江都○赤艦一本作赤

龍淮王箋奏入班書上愛修之建南王安獻所作內篇

頌天子使為離騷傳清詞醉草無因見文選曹植詩衆賓悉但釣

寒江半尺鱸晉張翰見秋風起思吳中菰

首言記室翰米尊羹鱸魚膾遂命駕歸

不讓應徐筆力高強得五丁之助遺篇搜索盡二酉

之藏且君在淮南煬帝之繁華猶留澤國而淮王之

述作宜入班書上句切淮南下句乃切書記也今余

也鱸魚膾美隱釣寒江君之清詞醉草豈得而見之哉○末句廖指鄭賓說謬

小雪後書事

時候頻過小雪天曆家以十月江南寒色未多偏楓江

尚憶逢人別中氣為小雪麥隴惟應欠知眠更擬結茅臨水次偶因

行藥到村前鮑明遠有行藥至城西橋鄰翁意緒相安

慰多說明年是稔年作會

此言江南地暖小雪未寒故楓汀尚有別人麥隴未能藏雉而此景娛人擬結茅於水次偶行藥於村前時逢鄰翁相慰明年必稔蓋以小雪則大雪將至為豐年之兆是皆即其事而書之耳

### 鵲鵲詩作序

客有過震澤得木鳥所謂鵲鵲者既予黑襟青脰鵲爪丹喙色幾及項質甚高而意甚卑戚畏人拊予哀其野逸性又非能招累者而囚錄籠檻逼迫聽戶飽啄仰飲為活大不快真天地之窮身也為之賦詩宜好事者和之  
○鵲爪集作碧爪拊予一本作極予集作予極



詞賦曾誇鷓鴣流鷓鴣徒角反鷓鴣於青雲落鴻雁於紫虛○

周氏雜字曰鷓鴣鳥似鷓鴣果為名誤別滄洲謝玄暉既權懷祿雖蒙

靜置疎籠晚不似閑棲折葦秋自昔稻梁高鳥畏至今

珪組野人讐左思珪組賢君吟青紫明主恩防微避繳

無窮事好為裁書謝白鷓鴣社詩白鷓波浩

此以鷓鴣比人之拘於祿位者首言騷人詞賦嘗美

此鳥為鷓鴣之流果為虛名所誤被人羅置而別滄

洲也今觀此鳥雖蒙靜置於籠檻之中不似閑棲於

折葦之下然危機伏於稻梁自昔為高鳥之所畏閑

身羈於非網至今為野人之所讐即此鳥以思之防

微避繳之事顧吟無窮回思白鷓之優游自適終無

晉繳之患常裁書以謝之矣

二遺詩 非序

二遺詩者何石枕材翠薦也石者何松之所  
化也化於何越之東陽也東陽多名山就中

金華為最枝峯蔓壑秀氣磅礴數百里不啻如神仙登臨草木芬怪永康之地亦輝聯其間中饒古松往往化而為石盤根大柯文理具析盡在好事者攻而置於人間以為耳目之異太山羊振文得枕材趙郡李中秀得琴薦皆茲石也咸以遺予以三遺之奇聊賦詩

誰從毫末

謝以

見參天

老子云合抱之木生於毫末。莊子

指也知毫末

又曰蒼蒼化石年萬古清風吹作籟

篇子綦謂子游曰而未聞天籟夫大塊噫氣其名為一風作則萬竅怒號而獨不聞之參參音溜

條寒溜滌成

石單極之統斷幹水非石之鑽索非木

之鐫漸靡閑追金帶徒勞恨

詔思睡主人方炊黃梁翁探囊中枕以授生曰枕此則

歷臺閣出入將相五十餘年子孫皆列顯仕金紫滿門

自道石 座上 道金帶 枕陳王

貴盛無比年餘八十老病而卒次仲而寤願呂公在旁

主人黃梁猶未熟，生起淵曰：先生以耕格朱絲，更可憐。此室吾欲也，敢不受教，再拜而去。格葛陂反。禮記：清廟之瑟，朱絲而散。幸與野人俱散誕，不煩良匠更雕鏤。

首言此石乃松所化，誰見其自小而大，化為蒼蒼之石乎？方其為松，萬古清風堪吹作簫，及其成石，一條乘溜可濤，成川今以之為枕，材若虛生之夢，徒然成恨，以之為琴，應如清廟之音，亦更可憐。此二句諷其所作，雖巧無裨於用，但所幸者二物與已同，其散誕率此朴器，雅稱吾懷，更何煩良匠之雕琢哉。奉和襲美送弘惠上人。皮日休字襲美，弘惠上人，新羅人也。日本國請

一函迢遞，迢東瀛，祗為先生處。乞銘。先生謂已得雄詞。

封淨檢却懷孤影，在禪庭春過異國人。應寫夜讀滄洲怪亦聽。信曰：休文物，遙想勒成新塔下，盡望空碧禮文。

星望平聲○空碧天也文星謂日休

首言奉書遠過東瀛而來為乞日休碑銘也今者上人既得雄詞而回并携孤影而去想凡人爭寫而怪亦驚有不於勒成之後望碧空而禮文星者耶

開書

病學高僧置一床披書纔暇即焚香開階雨過苔花潤

小簞風來薤葉涼花白樂天寄李蘄州詩云笛愁春盡梅

南國羽書催部曲羽書檄也○漢高紀曰吾以羽

東山毛褐傲羲皇毛褐賤者之服

平人道無時節作問試問中林亦不妨詩蕭蕭兔置施

兔置之人能恭敬則是賢者衆多也○晉王康琚反招

隱詩昔在太平時亦有巢居子今雖盛明世能無中林

士毛萇詩傳曰  
中林林中

漢大將營立五部部有

校尉一人部下有曲

此自言病學高僧置牀坐臥披書焚香之外一無所  
累雨過則看苔花之潤風來則受薤葉之涼而已今  
之南國未寧檄催部曲而我東山高臥自比羲皇人  
謂未際昇平河清難俟以我處之常作中林之士亦  
何妨哉見山者  
之不如處也

好破

白菊一叢呈一二知己

還是延年一種材陶詩酒能消百即將瓊朶冒霜開不

知紅艷臨歌扇欲伴黃英入酒盃楚辭朝飲木蘭之墜

英陶令接羅堪岸著陶淵明愛菊言對此可著梁王高

屋好歌來漢書曰梁孝王廣睢陽城七十里大治宮室

王不悅遊於兔園乃置旨酒命賓友晉謝惠連雪賦云梁月中若有閑田地

召鄰生延枚叟蓋言菊花之白也

為勸嫦娥作意裁

此言菊可延齡而此白者又一種材也花白如晚  
霜而開其貞潔之體不與凡卉爭艷宜與黃菊同  
若遇陶令之賞當不愧於披羅比之架王之歌亦何  
漸於白雪此與常品不同須勸嫦娥着意裁之月中  
耳詩意以比君子首言有益於人二句言獨立無  
三四喻不與小人為伍而與賢者類應五六言其行  
不隳古人而未則  
期當世之重之也

奉和襲美悼鶴

夜圓吭絕不鳴宋鮑昭舞鶴賦引圓吭八公虛道得

千齡漢淮南王賓客有八公之徒采藥於嵩山於石室

也而遊於陽固金氣依火精以自養金數九火數七故

七年小變十六年大變百六十年變止千六百年形定

○晉顧明遠舞鶴賦云守馴方漆上客雲眠思杜詩雲

忽伴中仙劍解形解音賢東鄉序葛洪曰陰君受

解之法後死埋於石于岡

有人發其棺見一犬刀冢左右有但掩脩毛穿古堞謂

鶴永留寒影在空屏君才幸自清如水更向芝田為刻

銘梁簡文帝詩來自芝田遠飛渡武溪深○鎮江府江

居塞

首言鶴死不鳴八公所傳千齡者為虛矣然楚鶴也

雖瘞形於古堞而其影尚在空中屏也以日

### 奉送浙東德師侍御罷府西歸

王謝遺蹤玉籍仙王謝謂江東王導謝安二家也後聖

仙三年開上鄂君船說苑鄂君乘青翰舟越人擁楫而

乃與子同舟鄂君詩懷白閣僧吟唐賈島為浮屠名

素心者惟終南白閣隱者耳嵩丘又有舊隱欲歸未得

遐邇長生雖行坐寢食苦吟不輟○終南有紫閣白閣

字數在

第四卷  
白伏形

佳句  
其有

圖書  
用出法

疑化  
又收足

仍  
多無王

怡  
得百字

名  
七

情  
力指  
以  
力指  
紅  
友  
太  
懶

二  
峯  
俸  
買  
青  
田  
鶴  
價  
偏  
永嘉記青田有雙白鶴年年來養子而法  
行  
次  
野  
楓  
臨

遠  
水  
醉  
中  
衰  
菊  
臥  
涼  
烟  
芙  
蓉  
散  
盡  
西  
歸  
去  
唯  
有  
山  
陰  
九

萬  
歲  
晉庾冰曰王右軍為會稽謝公就乞履紙庫中

前  
言  
侍  
御  
如  
王  
謝  
之  
風  
流  
如  
上  
仙  
之  
品  
第  
今  
歷  
仕  
三

年  
乘  
青  
翰  
而  
歸  
已  
詩  
懷  
白  
閣  
之  
僧  
俸  
買  
青  
田  
之  
鶴  
清

風  
靡  
節  
卓  
然  
表  
見  
今  
余  
與  
君  
把  
別  
行  
次  
野  
楓  
看  
臨  
遠

奉和褚家林亭

一  
陣  
西  
風  
起  
浪  
花  
遶  
闌  
干  
下  
散  
瑤  
華  
高  
廳  
曲  
檻  
仙  
侯  
府

折  
葦  
荒  
芹  
白  
身  
家  
孤  
島  
待  
寒  
凝  
片  
月  
遠  
山  
終  
日  
送  
餘  
霞

若  
知  
方  
外  
仙  
如  
此  
不  
要  
秋  
乘  
上  
海  
槎  
王千  
年  
拾  
遺  
記  
堯  
時  
有  
巨  
槎  
浮  
於  
西

海  
光  
若  
星  
月  
十  
二  
年  
一  
周  
天  
各  
貫  
月  
查  
又  
名  
掛  
星  
查  
羽  
仙  
樓  
其  
上



此言林亭所見風起浪花如瑤華之白其高瞻曲檻  
木屬仙侯之府而折葦荒芹即為白身之家矣若孤  
鳥之夜凝片背遠山之風送餘霞方外仙家不過  
如此更何必乘槎上天而求其所謂仙景者

寒食同襲美訪寂上人

月樓風殿靜沉沉披拂霜華訪道林

晉高僧支遁字道林此意指寂上人

也身在寒枝棲影動人依古堞坐禪深明時尚阻青雲

步半夜猶追白石吟

見齊威飯牛歌註

自是海邊鷗伴侶見前

注不勞金偈更降心

佛西方人號金仙嘗作半偈示法

此因訪上人而自道其事首言招提之境月樓風殿  
沉沉寂靜與襲美披霜華而訪上人也其時鳥在寒  
枝人依古堞愈見寂靜之景而余也自念生平幸值  
明時尚阻青雲之步時當半夜猶懷白石之吟則是  
絕利忘機堪與海鷗作伴豈復勞上人之金偈以降心哉

江南道中

懷茅山廣文南陽博士奉和日休次韻

一片輕帆背夕陽望三峯拜七真堂

三茅二許一陽一郭是謂七真三峯

謂大茅山中茅山小茅山有

天寒夜漱雲牙淨雪壞晴

梳石髮香

雲牙雲根皆石也○爾雅釋草篇薄石衣註水苔也一名石髮江東食之○異物志云石

髮生海中石上長尺餘大小如非

自拂烟霞安筆格

音獨開封檢試砂

淋莫言洞府能招隱

招隱士者淮南王

會輾颯輪見玉

集仙錄曰王母者龜山金母也居崑丘之圃闕風之苑非嚴輪不可到

此專美葉仙之事也首言我於江南道中背夕陽而去望三峯而拜七真焉遙想君居此地天寒而夜漱

雲牙雪壞而晴梳石髮著經則拂烟霞而安筆格煉

藥則開對檢以試砂淋修真煉形如此不怠莫言洞

府之中堪招隱士會見乘風御氣以朝帝闕矣○因髮乃用梳字因牙乃用漱字此詩中字法也

壺中行坐可携天

見前

何向林間息萬緣組綬任垂三

品石

建康有陳朝三品石

珮環從落四公泉

謂茅許陽郭四仙人也以組綬珮環比泉

石語

丹臺已運陰陽火

丹臺運火養其鉛汞也

碧簡須雕次第仙

景林真人曰勤感累世念真期靈皇鑒其用思太極注

名玉札於提細書紫虛之宮朱書東華之閣刻石上清

丹文玉也想得雷平春色動

籍云也

烟甲又芋綿

芝有五色故云五芝山海經云赤芝一名

一名玄芝紫芝一名木芝

台山賦曰五芝含秀而敷榮

首言君隱此山即如壺中日月別有天地何止息慮

林間而已哉蓋三品有石不數組綬之榮而四公有

泉亦踰環珮之貴是取石之絲綈泉之潺潺以擬組

綬環珮以其亦在仕路也且君煉丹欲就必將次第

書名於碧簡矣遙想雷平種芝入春則生

烟甲今君亦應如是安得與之追隨哉

三

良常應不動移文

良常山在潤州句容縣第三十二洞天周迴三十里名良常放命之天雲

良常應不動移文

良常山在潤州句容縣第三十二洞天周迴三十里名良常放命之天雲

笈經云李真人希之○秦始皇登勾曲北垂山嘆曰巡  
 狩之樂莫過於山海自今以往良為常也乃改勾曲北  
 垂為良常山○南史宋周顒字彥倫隱北山後應詔出  
 為海鹽令欲過此山孔德璋假作山神意以却之名北  
 山移金醴從酸亦自醺蓬萊公洛廣文以金醴四桂父  
 文舊歌飛絳雪神仙傳桂父常食桂葉人知其神尊事之  
 且與鄉曲別飄然入雲而去○酉陽雜  
 俎云仙藥有青津碧荻龍桐孫新韻倚玄雲風俗通曰  
 胎醴九鼎魚玄霜絳雪梧桐生於  
 嶧山之陽崑石之上採東南孫枝為琴聲極清麗○文  
 帝使慎夫人鼓瑟上自倚瑟而歌○漢武帝內傳曰西  
 王母降命侍女安法嬰歌玄雲之曲曰天象雖云寥我  
 犯天地戶被雲泛靈輿倏忽適下土古樂府有玄雲曲  
 春臨柳谷鶯先覺樹蘸燕香鶴共聞燕一作醮○玄雲曲  
 雙雙玉條脫盡憑三鳥寄羊君晉穆宗昇平三年仙女  
 一月輒六過其家自言玄州以我仙罪未滅故暫謫降  
 以償其過耳因贈詩一首火浣布巾一枚金玉條脫各  
 一條脫似指環而大慎勿泄我下降之一  
 事彼此獲罪○三鳥蓬萊方丈瀛洲也

此言習仙而隱操不變不煩務文以卻之乃其所飲  
 則仙家之金醴也至於琴歌之樂飛絳雪而倚玄雲  
 不減仙家之道情而鶯啼柳谷鶴舞燕香又無異蓬  
 山瑤島矣豈無仙女之遇如萼綠華以條脫而寄羊  
 哉君

行次野梅秦和日休韻

飛棹參差拂早梅強欺寒色尚低回晉傅咸感別賦云

空室以風憐薄媚留香與月會深情借艷開梁殿得非

蕭帝金陵覽古云晉孝武太元三年僕射謝安作新

用之畫梅花於梁上齊宮應是玉兒娉齊東昏侯妃潘

昏淫亂暴虐失道國為梁所取玉兒亦為氏小字玉兒東

武帝所誅殿為武帝所居竟應梁殿之瑞不知謝客離

賜醒臨水應添萬恨來不謂靈運小字客兒太傅安之

公朱武帝長安回來使慰勞於彭城及宋受命降爵為

侯文帝即位興兵叛逆為詩曰韓亡子房恨秦帝魯連

耻木自江海人忠義感君子○文選  
任昉詩曰不忍一晨意于萬恨生

此見梅觸意而作也首言參差飛掉披拂野儻而恹

情借艷而先開也昔者梁殿得名若先蕭帝而有瑞

而齊侯失國寔因玉兒以為媒梅何意於典亡哉然

而謝容當晉宋之間離腸鬱結一旦復

楊州看辛夷花

正二月開花夏秋再花一名侯  
似柿而長初出如木筆故北  
人呼為木筆其子如相思子

似柿而長初出如木筆故北人呼為木筆其子如相思子

柳疎梅墮少春叢天遣花神別致功高處朶稀難避日

動時枝弱易為風堪將亂藥添雲鼎若得千枝便雪宮

孟子見齊王於雪宮不待羣芳應有意等閑桃李即爭紅

此言早春之時柳尚疎而梅已落辛夷獨開是天遣

花神別致其功也然花朶尚稀難辭日炙枝條柔弱

易致風搖觀此亂葢堪以添於雲肆若得千枝則無  
異於雪宮矣而其間之獨早者若至晚春尋常桃李

即爭紅艷信乎此花之幽  
潔羣芳莫得而並之也

奉和襲美見訪不遇

為愁烟岸老塵囂左傳秋溢囂塵註囂聲也塵土也扶病

呼兒斲翠菘文選江文通詩青菘砥道府中持簡牘不

知林下訪漁樵花盤少發晴初艷葉擁疎籬凍未燒倚

杖徧吟春照午一池冰段幾多泐

此因日休來訪不遇有雪晴墟里竹欹斜之句故賦

此以蒼之首言余恐老於烟岸塵囂之中故扶病而

出採茗以扶神氣耳斯時也意君把卷家居顧乃來

訪漁樵耶以余所居之景花初晴而葉尚疎君來倚

杖徧吟正當春日浴浴之際則一池冰段亦應泐却

幾多矣及歸而君已去不得一語能不依依懷想乎

○塵囂集作神囂張衡七命云仰神囂蓋楚謂之

閭闔城北有賣花翁討春之士往往造焉因招

韻條

故城邊有賣花翁水曲舟輕去盡通十畝芳菲為舊業

一家烟雨是元功史記太史公曰惟社元功輔臣股開

添藥品年年別笑指生涯樹樹紅若夏見春歸處所不

過携手問東風

首言賣花翁所居水曲而輕舟可通也彼其事業則在芳菲元功則惟烟雨十畝言其廣一家言其獨也上句是盡人事下句是待天時於是花舟堪為藥品賣花乃屬生涯年年春事已攬盡無餘矣要知春歸之處則共携手遊看春風去則春歸矣即賣花翁亦豈知其所以哉此為尋春之士言之招日休意亦正妙在言外

奉和龔休病中孔雀

懶移金翠傍簷楹斜倚芳叢舊態生唯耐瘴烟籠飲啄



可堪春雨滯飛鳴紀間錄南人捕生者候甚雨往擒之尾沾雨重不能高翔又至愛其尾恐

人所傷不鴛鴦水畔迴頭羨復鴛鴦也鸞圖前舉目驚出多豈

亦得鴈鵠來往著不妨還校有心情有孔

首言孔雀之病懶傍簷楹之下故斜倚芳叢而舊時

之態復生焉蓋其野性相習惟耐瘴烟之籠其飲啄

不堪春雨之滯其飛鳴也今病於此憶鴛鴦而羨其

舊態所以復生歟○末句或謂物類之有情即指鴈

言

次韻蘇侖見寄

共尋花思極飛騰病帶春寒去未能烟迳水涯多好鳥

竹牀蒲椅但高僧須知日富為神授陶淵明柴木詩云志彼弗舍安此日

富○祗○有○家○貧○免○盜○憎○家○語○盜○憎○主○除○却○數○函○圖○籍○外○更○  
將○何○事○結○良○朋○

此因口休臥病感春寄詩有任是雨多遊未得也應

收作探花朋之句故有是作首言尋花之約極其飛

騰而病復春寒則未能去也想共往尋花如僧於是思

人多好鳥而病未能去竹牀蒲椅危坐如僧於是思

人生修短貧富之數年齒歲月所特惟天而余馨室

蕭然盜憎可免所賴圖書數函雖病不廢如良朋之

承好焉若舍此而去更何所賴以為伴哉○詩一醉日富

### 奉和病後春思

氣○和○靈○府○潮○氣○氤○氳○莊○子○德○充○符○篇○仲○尼○曰○日○夜○相○代○乎○

以滑和不可入於靈府使之和豫通而不  
有君者為聖人濁者為賢人○素問云藥有君臣佐使

七○字○篇○章○看○月○得○百○勞○言○語○傍○花○聞○爾○雅○賜○百○勞○一○名○伯○趙○月

三

三

令仲夏之月鵬始鳴開尋古寺銷晴日最憶深溪枕夜雲早晚共

搖孤艇去紫屏風外碧波文宋玉招魂紫莖屏風文緣波些註屏風水葵也生於

池其莖紫色風起水動波緣葉而生文也

首言襲美心神已和酒樽藥裏可以並進故看月得詩傍花聞鳥而春思乃生矣至於古寺深溪動堪尋

憶早晚與君共遊於紫屏碧水之間寧不更添起色哉

次韻館娃宮揚州方言娃美也吳楚衡淮之關曰娃故吳有館娃之宮○在平江

府硯石山蓋以兩施得名今為靈巖寺

鏤檣柳落濯春雨蒼翠無言空斷崖草碧未能忘帝女

詩湘草如碧絲秦系低綠枝○山燕輕猶自識宮

鏤洞冥記曰元鼎元年起招靈閣有神女留一玉釵與

帝帝以賜趙婕妤至昭帝元鳳中宮人猶見此釵共謀欲碎之明且視之匣惟見白燕直升天○山只有一

去故宮人作玉釵因名玉燕言其吉祥

容在劔佩應和媿氣埋賴有伍員騷思少吳王繼免似

荆懷死今言伍員才不如屈原故不能作騷以

首言鐵楷零落翠岫無言而宮館久已傾廢已是以

視帝女之桑因時增感認宮釵之燕觸物興懷至今

雲鎖江山愁容如在土沉劔佩媿氣同埋夫非荒淫

之故歟所可為吳王幸者伍員騷思少於屈平雖同

敗亡得免如荆懷之被譏也○榆落

葉作消落末二句廖解謬因正之

襲美以紫石硯見贈以詩迎之

震骨堅來玉自愁琢成物象古釵頭現形澄沙脆弱聞

應伏滌沙硯青鐵沉埋見亦羞拾遺記晉張華著博物志成武帝賜青鐵硯是好將雪竇漬寒流雪

千關國最稱風亭批碧簡碧簡竹作君能把贈閑吟客徧寫江南物象酬

此擬石於震骨堅踰白玉琢成釵頭之形雖澄沙青鐵皆不能及也故用以批碧簡清寒流無所不可若

君肯贈我閑吟之人則有盡搜  
江南物象以酬君之所賜耳

### 看壓新醅寄懷襲美

曉壓糟牀漸有聲旋如荒澗野泉清身前古態醺應出

世上愁痕滴合平飲啄斷年同鶴儉淮南王八公相鶴經云鶴一百六十

雌雄相視而孕又一千六百風波終日看人爭樽中若

使常能綠兩綬通侯總強名漢書金日磾二子賞建俱為侍中及賞嗣侯綬昭帝

謂霍光曰金氏兄弟兩人不可使俱兩綬漢書金日磾二子賞建俱為侍中及賞嗣侯綬昭帝

此言酒出有聲色清如水人飲至醉而古態出愁思

耳酌此酒也飲味斷年何妨鶴儉風波終日一任人

爭但使樽中常滿雖貴為兩綬亦強名而已何如我

之自適其趣乎○飲啄句兼有休糧羽化飲可成仙意

### 奉和題達上人藥圃

藥味多從遠客齋旋添花圃旋成吐三極舊種根應共

本草次公高麗人作人參九節初移葉向低

贊曰三極五葉背陽向陰山茨便和幽澗石

蒲一寸九節者最良服山茨便和幽澗石

之輕身延年聰神益智

五色一名曆英十五葉日生一葉從朔至望畢十六日

毀一葉至吻而盡月小則一葉卷而不落

名也水芝須帶本池泥蓮也從今直到清明日又有香

前幾和齊也

首言上人好種花藥四方之人遠勝藥品而至圃旋

添而畦亦旋成矣異種之三極延年之九節傍石之

山茨帶泥之水芝皆從遠客齋來者也若

至春殘圃畦繁盛不又添幾畚香苗哉

以竹夾藤寄贈藥美

截得篋管冷似龍典元府洋州有篋管竹也翠光橫在暑天中

堪臨薤簾閑憑月好向松牕臥跋風持贈敢齊青玉案

坐事如何不達

張平子四愁詩美人贈我醉吟偏稱紫荷筒南史劉杳

錦段何以報之青玉案醉吟偏稱紫荷筒着紫荷葉

前漢張安世傳持紫簪筆之意而劉偉明乃以荷為芰

荷之荷至後歐陽修亦以紅紫翻階對紫荷持紫何耶

識者博添君雅具教多著一本為著西齋譜一通

首言被竹如龍翠光橫暑憑月而憇於蕪篔簹風而

臥於松廳其致為足尚矣以此贈君固不敢比之青

玉案而醉吟適興亦少稱夫紫荷筒也君才固多著

述今添此雅具其作一通以附於西齋之譜可乎

### 奉和夏景無事因懷章來二上人

簷外青楊有二柳有青楊有楊柳○濟安仁開居賦云

此其遺折來堪下凍膠入○凍膠須臾月釀其醅成冰斲

意也○須臾一高杉自欲生龍臘小弁誰能寄鹿胎小弁冠

本作寒風何籠字子雁事肯教饒沈謝南史梁沈約字休

季著單衣鹿皮巾書聰明過人尤善屬文時謝

孤貧好學博覽羣書聰明過人尤善屬文時謝

玄暉善為詩約兼而有之然終不能過之也微談何

必滅宗雷

南史宋宗炳少文南陽溫陽人也善琴書圖畫精於言理嘗入廬山就釋惠遠考尋文義

雷次宗字仲倫豫章南昌人也少入廬山侍

沙門惠遠篤志好學尤明詩禮隱退不仕

還聞擬結

東林社爭奈淵明醉不來

高僧傳惠遠法師結白蓮社以書招陶淵明陶曰弟子性

嗜酒許我飲即往遠許之遂造焉陶攢肴而去

首言二極可以送酒時高杉之樹將結龍躡而可取矣小弁之冠誰寄鹿胎以飾之乎兩聯皆初夏情事

也當此夏景緬懷二上人美麗之文有同沈謝清妙之論不下宗雷且問其擬結社當如遠公奈予如淵

明之嗜酒何此正應凍醪句末句或指襲美亦可○南史謝玄暉善為詩任彦昇工於筆約兼而有之然

不能過也郝註未詳此作廖解紛如都無是處故並刪之

### 奉和寄楊舍人

明時非罪謫何偏鵬鳥巢南更數千酒滿椰杯消暑霧

海南嶺表多蠱毒食飲以椰子為杯有毒則裂

風隨蕉葉下瀧船

瀧間江切端也○韶州樂



昌縣有瀧水名樂昌俗謂水湍後急  
為瀧韓愈瀧吏詩云始下樂昌瀧  
人多藥戶生一本作行

狂蠱吏有珠官出俸錢十道志廉州合浦郡秦 祗以直

誠天自信不勞詩句詠貪泉晉安帝紀曰吳隱之字處

之弊以隱之為刺史州界有水名貪泉父老云飲此水

者廉士皆貪隱之即至水所酌而飲之因賦詩以言志

愈厲 此言明盛之世黜陟最公今舍人以無罪見謫何其

偏耶且所謫之地比賈誼之長沙更遠數千里也三

四句囑其慎重五六句囑其救俗謂廣南毒霧不可

不防江外瀧船在所當慎且民以蠱毒人君當治其

弊俗官以珠折俸君當革其貪風誠能以直誠自勵

則清操見信於天不必如隱之詠貪泉以明志也

### 奉和夏景冲澹偶然作

蟬雀參差在扇紗竹襟輕利籜冠斜昭潭志立山縣側

竹為衫充暑服也漢高祖為亭長乃以竹皮為冠師

古曰竹皮筍皮謂筍上所解之籜耳今人亦有筍皮中

古之遺制也 壚中有酒文園會前漢司馬相如初與婦亡奔成都家徒四壁立遂之臨邛

賈酒令文君當壚相如著犢鼻琴上無絃靖節家晉陶

祝滌器後獻上林賦拜文園令琴上無絃靖節家潛沒

其故答曰但識琴中趣何勞絃上聲芝晚烟霞全覆穗

曉兮又樹蕙之百畝橘州風浪半浮花寰宇記橘州在長沙縣西

南四里江中大水洲閑思兩地忘名者不信人間髮解

輕紗作扇解縈為冠夏時之事也壚中有酒琴上無絃則夏時之情烟霞覆穗風浪浮花乃夏時之景皆

冲澹也未言我與葉美兩地忘名胸中一無塵慮肯信髮為易白耶

### 懷楊台文楊台鼎二秀才

秋早相逢待得春崇蘭清露小山雲楚詞招龍光風轉

南王安招集賓客寒花獨自愁中見曙角多從醒後聞

唐詩鼓吹卷三

釣具每隨輕舸去詩題閑上小樓分重思醉墨縱橫甚

書破羊欣白練裙羊欣字敬元父不疑為烏程令欣年

之欣嘗夏月着新絹裙畫寢獻之時為吳興太守甚知愛

懸署書裙數幅而去欣書本工得此彌善

首言與二秀才秋別而至春想其雅度如爾露之清

山雲之靜也今我思之愁中見花不堪惆悵醒後聞

角益動悲悵因念昔與同遊理釣絲而每隨輕舸分

詩韻而閑上小樓且更醉中潑墨揮酒縱橫則又如

獻之之書白練裙也今也道路悠悠豈易

得而贈哉○第二句或即春景而言亦得

和張處士詩并序

張祐字承吉元和中作宮體小詩辭山艷發

當時極薄之流能其才合謀得譽及老大稍

窺建安風格誦樂府錄知作者本意短章大

篇往往間出講風怨謫時與六義相左右善

題目佳境言不可刊置別處此為才子之最

也由是賢俊之士及高位重名者多與之游

謂有鳴鸞之野孔雀之鮮竹柏之貞琴磬之

韻或薦於天子書奏不下受辟諸侯府性狷

閻潛小兒  
名通子

介不容物輒自劾去以曲阿地古淡有南朝  
之遺風遂種樹築室而家焉性嗜水石常悉  
力致之後知南海間罷職載羅浮石筍還不  
蓄善田利產為身後計死未二十年而故姬  
遺孕凍餒不服前所謂鵲鸞孔雀竹柏琴瑟  
之家雖朱輪尚乘遺編尚吟未嘗一省其孤  
而恤其窮也噫人之假玩好不根於道義耶  
懼其怨刺於神明耶天果不愛才沒而猶龍  
耶吾一不知之友人顏弘至行江南道中訪  
其廬作詩弔而引之屬予應和予泅沒者不  
足哀承吉之道要襲美同作庶  
乎承吉之孤倚其傳而有憐者

勝華通子共悲辛即故姬荒逕今為舊宅鄰一代交遊

非不貴五湖風月合教貧遺孕也魂應絕地為才鬼名與遺編

在史臣聞道生平偏愛石至今猶泣洞庭人洞庭出湖

難民多被其害吳融詩云洞庭山下湖波碧波中萬古  
生湖石鐵索千尋取得來奇形怪狀誰能識○洞庭山  
在平江府太湖中丹陽曲  
阿屬焉張祜嘗築室於此

此詩前四句惜之中二句美之末二句微有諷意首  
 言勝華通子今共悲痛辛酸蓋舊宅已歸別人遷居  
 荒徑反為舊宅之鄰矣以余思之一代交游非不貴  
 顯而五湖風月自合長貧上句隱寓不恤其後意下  
 句見素風如此宜并其後而貧窶也至於生為才人  
 死為才鬼名編青史流芳後世處士之有才有德如  
 此惜乎志偏好玩生平愛石至今洞庭之人猶  
 悲取石之艱也然其清風雅尚不從此可見哉

寄吳融子華

一夜秋聲入井桐

文選云窅井落梧桐又李白  
 梧桐落金井一葉飛銀床數枝危

綠怕西風霏霏晚

砌烟華上浙浙疎簾雨氣通君隱輪

蹄名未了我依琴

鶴病相攻到頭江畔從漁事織作中

流萬尺蕙

蕙取魚具也

首言昨夜秋聲已入井桐西風彫物故危綠畏之也  
 時見烟光上於晚砌雨氣通於疎簾撫此秋氣能忘  
 情於吳君哉想其圖名未了尚混迹於輪蹄之間我  
 則痼疾相攻聊依隱於琴鶴之畔若得子華解組共

從漁事則相與織萬尺之蕪而放  
於中流以適意其為樂當何如耶

### 中秋待月

轉缺霜輪上轉遲轉上去聲好風偏似送佳期簾斜樹

隔情無限燭暗香殘坐不辭最愛笙調聞北里左太冲

南鄰擊鐘磬漸看星淡失南箕春秋元命苞曰尾九星

北里吹笙芋此何人為校清涼力欲減初圓及午時

南宮其庭太微何人為校清涼力欲減初圓及午時

月明星稀之意何人為校清涼力欲減初圓及午時

此十四夜望十五夜待月而作也首言霜輪漸缺而

今夜又上遲矣然好風徐來而月色漸明如送佳期

之至也簾斜樹隔此情何限燭暗香殘坐久何歸方

是之時至響初調欣聞北里星光欲淡漸失南箕四

包信郎字幼王天寶六年進士累遷秘書監為刑部侍郎

拜諫議大夫御史中丞辛封丹陽郡公有集

傳於世

### 贈廬山白鶴觀劉尊師

蒼蒼五老霧中壇五老峯在江州李白詩廬山西南五老峯青天削出金芙蓉九江秀色可

攬結吾鄉此此三山諸仙人及不老之藥皆在杏杏三山洞裏官封禪書自齊威宣使人

馮○韓詩云上界仙人足官府在手護崑崙象牙觸

隱讀云崑崙瑤臺刊定真經之所也刻簡記仙名○唐

書王方慶累為廣州都督南海歲有崑崙船市外國琛

非象牙犀角○崑崙人多積犀象齒角心推霽灑瓊枝

貨於中國今道士章醮手捧牙簡也春飛雪粉加毫潤曉漱

聖上清經瓊文帝章刻書靈原春飛雪粉加毫潤曉漱

瓊膏冰齒寒水去聲○老氏聖紀曰吳篤守世雲像章

恐去已而集親後痛登嶺山見數人與僊語漸恨流筋力少惟思脫昇事星冠

此言尊師在五老峯習仙是卽三山之仙官也觀其  
手常肅恭心常敬慎已盡習仙之道矣至服飛雪而  
毫毛潤飲瓊膏而齒牙寒是又得脩煉之道焉慚我  
筋力衰疲不堪世務惟思脫冕從道尊師其將許之  
耶否

鮑防

防字子慎襄陽人天寶中登進士第官至太原尹河東節度使境內大治有詔圖形別殿遷江西觀察使從幸奉天封東海公授工部尚書卒有文集今傳

### 送薛補闕入朝

平原門下十餘人獨受恩多未殺身

史記平原君趙勝合從於楚約與文

武備者二十人偕得十九人餘無可者毛遂自薦於平原君願以備員至楚平原君與楚王言利害日中不決遂乃按劍而上合從乃定謂十九人曰公每嘆陸家兄等碌碌所謂因人而成事者也此防自謂每嘆陸家兄弟少一不為少也○一本作必敵門基○唐陸象先謂弟四人僧一行少時皆與相善嘗謂人曰陸氏更憐楊兄弟皆有士行今代少有古之荀陳無以加也



氏子孫貧

後漢楊震為涿郡太守不受私謁子孫蔬食

為清白吏

柴門豈斷施行馬

周禮掌舍設棧桓再重注

再重者以周衛有外內列○漢官儀

魯酒那堪醉近臣

淮南子楚宣王朝諸侯魯恭公後至而酒薄宣王怒乃

發兵與齊攻魯一曰與趙俱獻酒於楚王王主酒吏以

風塵

杜詩談笑

首言補闕門士甚多而防獨受恩未能舍身報之也

次言陸家兄弟今代少有楊氏子孫世守清貧二者

惟補闕能比之然世襲顯業門施行馬今位居補闕

外今已歸朝賴有嚴明之令尚在軍中樽

組運籌優游制勝庶幾古名將之風也歟

皇甫冉

字茂政天寶中進士終拾遺

三月三日義興李明府後亭泛舟

一云義興李明府後亭泛舟

一本作執蘭  
乃用持持  
蘭指理後注  
不詳持持  
下

歷代漫心脚位  
歷日陽皆河王  
持山子以系  
於其中心及  
於石信

蕭梁上元二年  
十一月甲午揚  
州刺史劉辰  
及臨別物而  
中臨昇舟  
野不川封正  
甲卯年此注  
臨安者後州

江南烟景復如何聞道新亭更可過金陵覽古云新亭在江寧縣十里

近江渚晉初過江僕射周顛與羣公遊宴坐中顛曰風景不殊陳目有山河之異因而流涕王導曰諸公當戮

力中原以佐王室何至作處處菘蘭春浦綠楚辭菘蘭兮九畹

楚囚對泣耶衆皆肅然

萋萋藉草遠山多孫綽天台山賦曰藉萋萋壺觴須就

陶彭澤晉陶潛為彭澤令解印而去賦歸去來辭曰引壺觴以自酌風俗猶傳晉永

和晉王羲之初會於會稽山陰之蘭亭修禊事也

梳徐轉去微風落日水增波文選招隱云山

首言不知江南風景近來何如聞道今之後亭猶昔

之新亭更可遊如周顛之宴也當此暮春之時處處

梳蘭皆成綠浦萋萋藉草遙對青山其為可遊者如

此余與明府來過此地將使今日之壺觴儼然彭澤

更泛舟徐去但見風微日落春水增波其佳興又寧

有窮哉或謂更使輕梳徐轉再觀佳境奈風生

日落江波四起其興不得不止何此說亦通

晉詩披文卷三

用梳

泗水靜如澄池  
十州及四碑也

以平山臨之兵平

版又而五六探

長波以野丹陽人

清源是也堂有射

亭李曰之西矣

東平

解粉

古言

任水

東平

象思景  
東平不

### 送李錄事赴饒州

北人南去雪紛紛雁叫沙汀不可聞積水長天隨遠客

荒城極浦足寒雲山從建業千峯斷金陵又名建康

也江到潯陽九派分潯陽即江州書禹貢九江孔殷注

三島白江四嘉靡江五峽江六源江七廩江八提江借

問督郵纜弱冠禮記曰二十而弱冠三十曰壯有室府

中年少不如君賈誼年少通百家書文帝召為博士是

不能言賈生  
盡為之對

此言雪下之時錄事自北而南正值沙汀雁叫之際

為不忍聞也觀之江水瀾滌寒雲慘淡千峯斷影九

派分流此皆客途之所經目者合錄事年方弱冠想

乘時以  
策勳哉

館陶李丞舊居

盛名天下挹餘芳杜詩盛名富事棄置終身不拜郎前漢

顏駟文帝時為郎至武帝輦過郎署見駟龐着皓髮上

問曰叟何時為郎何其老也曰臣文帝時為郎文帝好

文而臣好武景帝好美而臣貌陋陛下好少詞藻世傳

平子賦後漢張衡字平子南陽西鄂人也平子擬班固兩都作二京賦永和初為河間相遷侍中園

林人比鄭公鄉後漢孔融深禮鄭玄屣履造門告高密子軍皆異賢之意也鄭君好學實懷明德今門前墜葉

鄭玄鄉里宜曰鄭公鄉其門號為通德門

浮秋水籬外寒臯帶夕陽日日青松成古木祗應來者為心傷

首言李丞名垂身後人皆挹其餘芳但恨位卑祿薄不得紆展其才耳考其文章之富麗不異研京居處

之高閣真堪表里此不拜郎所以為可惜也今者重經此地但見門前墜葉與秋水而俱浮籬外寒臯並

斜陽而相映兼之青松成古丞獨不存  
人非物是來往者寧不為之傷心哉

### 送孔巢父赴河南軍

唐書廣德中李季卿宣撫江淮薦巢父為左衛兵曹

叅軍故有此行

江城相送阻烟波况復新秋一雁過聞道全師征北虜

更言諸將會南河

孟子舜避堯之子於南河之南○唐書幽州有安史之亂南有永王璘之

變唐口以淮為南河黃河為北河

邊心杳杳鄉人絕塞草青青戰馬多

共許陳琳工奏記

三國志陳琳字孔璋廣陵人避亂冀州袁紹辟之使典密事紹死魏太祖

辟為典記室魏太祖先苦頭風陳琳作檄草成呈太祖是日疾發臥讀琳檄太祖翕然而起曰此愈我疾病比

孔巢父知君名宦未蹉跎

杜詩問君已來

首言相送遠別阻隔烟波况常新雁南過之候不勝

別離之感也然君此去仗劍從戎問道北地全師將征安史更言南河諸將會詞永王如此遠赴邊境其心杳杳少遇鄉人但見塞草青青多留戰馬而已以

君之才如陳琳之工於奏記自此名業遠大豈有患於蹉跎者哉

### 同溫丹徒登萬歲樓

高樓獨上思依依極浦遙山合翠微鄴中記曰山氣江

客不堪頻北望塞鴻何事復南飛遼陽古渡寒烟積瓜

步空洲遠樹稀瓜步揚州古渡其狀如瓜謂之瓜洲渡

據絕為雄凌清道王師猶轉戰誰能談笑解重圍史

趙被秦圍急使新垣衍於趙欲使趙帝秦魯連見衍

陳帝秦之害衍遂訓秦兵聞之却五十里○文選左太

仲詠史詩若慕魯即就武帝為自魏武帝臨之不予瓜步

江客言已與溫也

此因登樓所見之景而傷南北之亂也首言登樓遠望懷思依依見極浦遙山合為翠微之色而已然我

於此豈能無所感哉幽薊多兵江客難堪北望中原叛亂塞鴻何事南飛因之遠想遼陽寒烟積鎖回看

瓜步遠樹蕭疎當此王師轉戰之時正關外需才之  
會試問軍中諸將有能談笑而解重圍否此譏當時  
之將鮮有如  
魯仲連者也

○秋日東郊

閑看秋水心無事莊子存坐對寒松手自栽寒松或作東林譔

廬岳高僧留偈別廬岳即江州廬山也僧頌曰茅山道士寄書來茅

在鎮江即古潤州也燕知社日辭巢去燕春社來於社去菊為重陽冒雨

開淺薄將何稱獻納前漢張衡傳朝夕論思日月獻納杜諱隸納司存雨露邊臨

歧終日獨遲迴

此皇甫由承詔將出而作也嘗言秋水寒松皆吾身心所托今將舍之而去矣所以廬岳高僧留偈送別茅山道士寄書遠來非不知出不如處也然即秋郊之景觀之燕逢社日則辭巢而去菊遇重陽則冒雨而開似乎物亦知時矣但愧我才能淺薄無所獻納是以臨歧而終日遲迴耳言外見非冒進意○廖解

和一作自

過擬其仕宦之情沾沾口勝長愧北山之移矣如泛  
作彈冠時語前六句寫景處自帶烟霞氣味未聯亦  
不失忠愛之思則此  
君亦未盡俗物也

### 宿淮陰南樓酬常伯熊

淮陰日落上高樓  
喬木荒城古渡頭  
浦外野風吹入戶  
牕中遊月早知秋  
滄波一望通千里  
畫角三聲起百憂

毛詩曰我生之後逢此百憂  
壯工部詩有百憂集行

### 忽相求

此言日落登樓在淮陰之古渡其時則野風入戶海  
月橫秋也而且一望滄波目窮千里三聲畫角心懷  
百憂其為岑寂何如已今者遠來作客夜分  
不寐君何不步履而來相與叙樂以適意耶

郎士元

字君胄中山人也天寶中進士後遷京畿縣  
官歷左拾遺山鄆州刺史有詩集傳於世

### 寄韋司直



聞君感歎二毛初前注見舊友相依萬里餘烽戍有時

驚暫定甲兵無處可安居客來吳地星霜久杜詩星霜玄鳥變

家在平陵音信疎昨夜東風還入戶登山臨水復何如

潘安任秋興賦燎慄兮若在遠行登山臨水送將歸

首言聞司直年邁而歎二毛初生我與君為舊友而相依倚今別在萬里之外且當烽火屢驚起伏不定

甲兵擾擾無地安居所以兩地相思也今君旅食吳地歲月已久家在平陵音問又疎昨夜東風入戶已

是春期矣君於登山臨水之際所思當何如耶

○第二句或作與舊友相依於萬里之外亦可

蓋少府新除江南尉問風俗

聞君作尉向江潭吳越風烟到自諳客路尋常隨竹影

人家大抵傍山嵐緣溪花木偏宜遠避地衣冠盡向南

晉書懷帝永嘉五年時海內大亂獨江東差安中國士民避亂者多南渡江鎮東司馬王導說琅琊王睿收其

賢俊與之共  
事睿從之  
惟有夜猿啼  
游樹思鄉望  
國意難堪

嵐乃山氣蒸  
鬱草木如藍

此言間君作尉江南到彼自識其風俗也江南之路皆隨竹影而行江南之家皆傍水風而處且花木叢生遠去固可以娛目而衣冠南岸作尉亦可以安身蓋少府雖非避地遠亂而就尉於江南亦如晉時周顛諸人已至道里之遙雲山相隔君於猿啼海樹之夜能不思鄉望國乎

### 酬王季友題半日村別業

村映寒原日已斜  
烟生密竹早歸鴉  
長溪南路當羣岫

半景東鄰照數家  
晚景為門通小徑連芳草  
馬飲春泉

踏淺沙欲待一本主人林上月還思  
潘令縣中花

安仁為河陽令嘗作閒居賦云○潘岳為河陽令植桃李花人號曰河陽一縣花○庾信枯樹賦云建章三月

大黃河千里樣若非金谷  
澗園樹定是河陽一縣花

首用半日意起言村映寒原日色已斜而烟生密竹  
飛鴉亦歸之早也以別業言之長溪當岫饒山水之  
情以半日村言之晚景照鄰得烟霞之繁而且芳草  
青蓮小逕春泉淺漬浮沙於此看花玩月固無不可  
所以欲待主人林上之月復思潘令縣中之花也別  
本題云兼呈李明府則此二句主人指季友潘令指  
明府是又因  
此而思彼耳

羊士諤士諤貞元初進士累至宣歙巡官元和初拜  
監察御史坐誣論宰相出資州刺史有集傳

世於

### 酬西川獨孤侍御見寄

百雉層城上將壇左傳都邑過百雉國之害也注方丈  
日堵三堵曰雉一雉之牆長三丈高

一丈列營西照雪峯寒雪峯成都西北山也文章立事須銘鼎禮記  
曰夫

鼎有銘銘者論誤其先祖之德美功烈勳勞而酌之祭  
器自成其銘焉故衛孔悝之鼎銘曰叔舅予女銘若纂  
乃考服悝拜稽首曰對揚以談笑論功耻據鞍後漢馬  
援據鞍  
碎之勤大命施於烝彝鼎

顧盼以示可用○草檄青油推健筆青油將幕也詩曳

杜詩傷時即據鞍前漢鄒陽諫吳王書曰令臣盡智畢議

裾黃閣聳危冠易精粹慮則無罔不可干飾固陋之心

則何王之門不淮南子古詩曰客從

可曳長裾乎東南來遺我雙南金

負弩應慚知者難前漢司馬相如為中郎將使邛笮馳

負弩先驅蜀四乘之車至蜀太守以下郊迎縣令

人以爲寵首言西川層城百雉御吏兼大將之職而列營西照

雪山亦爲之寒也然則公於西川何如哉其文章紀

績當如孔惟銘鼎以垂名談笑却軍非如馬援據鞍

以求用今日出而爲將草檄青油咸推讓其雅藻他

日入而爲相曳裾黃閣皆想望其丰儀今者函詩遠

寄雖南金之貴未可比似而我以道里之遙不能爲

公負弩先驅也能不負慚於知己之難得哉

竇常字中行叔向之子也京兆人大曆中王儲榜登

於世○中行一作文行

寒食途次松滋渡先寄劉員外

常兄第五人牟羣庠輩四人擢

進士獨常客隱毘陵因韋夏卿薦始入仕皆詩人也常歷武陵夔江撫四州刺史將之武陵故有

此作

杏花榆莢曉風前雲際離離上峽船江轉數程淹驛騎

楚曾三戶少人烟

漢書楚雖三戶亡秦必楚

看春又過清明節筭老

重經癸巳年幸得枉山當郡舍

隋開皇中刺史樊子蓋以善卷常居柱山更名

為善德山今按方輿勝覽松滋在江陵府西北四十里有柱山疑柱誤作枉

在朝長詠卜居

篇上居者屈原所作也屈原哀憫當世之人習安邪佞遠背正直故陽為不知二者之是非可否而將假著

應以決之

故為此辭  
此言杏花榆莢落於曉風之前而上峽之船則離離

在雲際焉予自江轉數程乃淹留駟騎之間而楚傳

三戶亦尚少人烟之集今客中所見春明已過花甲  
重逢世路浮沉良可慨嘆但幸柱山當郡得此棲息

承元月元抄字  
古以即天寶十  
二載也

足慰吾往日在朝上居之意耳

寶牟

字貽周真元二年進士累至都官郎中終國子司業有集行世

秋夕閑居對雨贈別盧七侍御

牟晚從昭義盧從史從史寢驕

牟度不可諫即移疾歸東都故有是作

燕燕辭巢蟬蛻枝

詩曰燕燕于飛頤之頤之○楚詞淮南王安曰蟬蛻於濁穢之中以浮游

塵埃之外窮居積雨裊簷籬夜長簷溜寒無寢日晏厨烟濕

未吹悟主一言那可學

前漢車千秋為高帝寢郎衛太子為江充譖敗久之千秋上急

變訟太子冤武帝大感悟謂曰父子之間人所難言也

公獨明其不然此高廟神靈使公教我立拜千秋為大

鴻臚數月為丞相封富民侯千秋以一言寤意旬月取宰相侯世未嘗有也○唐房瑄贊曰瑄以忠義自信

片言悟主從軍五百竟何為後漢永元三年班超定西而取宰相從軍五百竟何為後漢永元三年班超定西領兵五百人故人駿馬朝天去洛下秋聲恐要知

十千惟戊巳無定位以比校尉

盧從史為侍御歸朝牟作此送之首言燕歸蟬蛻已

屬秋時余乃窮居於此積雨滯淫而夜長無寐日冥

未炊其窮居蕭索未有甚於此者矣思余昔日既不

能一言悟主如千秋又不能立功報國如定遠今指

故人得位行道我在秋聲寂寞之中恐故人

亦當知之不能漠然忘情也此有獨望之意

楊巨源字景山蒲州人貞元中舉進士不中初為張

有詩集一卷傳於世

○送人過衛州

憶昔征南府內遊君家東閣最淹留東閣見縱橫辭句

長侵夜次第看花直到秋論舊舉盃先下淚傷離流水一

作水更登樓總王策有相思前路幾回首回首一作千里滿眼

青山過衛州

首言昔日府內遊賞淹留東閣蓋以友人比平津侯也時則縱橫聯句次第看花所謂淹留如此今不得如昔時之樂是以來孟則下淚而悲臨流則登樓而望前途伊阻回首相思今從衛州而過惟見滿眼青山耳未句舉目傷情妙在言有盡而意無窮

### 寄中書同年舍人

晴明紫閣最高峯

長安志終南有圭峯紫閣二峯杜詩云紫閣峯陰入美陂

仙掖開

簾范彥龍

杜詩云仙掖高情客相招共一過○南史梁范雲字彥龍居選官任寄隆重書續盈案賓

客滿門雲應答如流無所壅滯官曹文書發摘如神

五色天書詞煥爛

見前五色

九華春殿語從容

洛陽官簿有明光殿音式乾九華之殿

綵毫應染爐

烟細清佩仍含玉漏重二十年前同日喜碧霄何路

本

處得相逢有雲泥霄壤之興也

此詩美同年官貴而才華也首言官品清高如紫閣圭峯之峻絕而官居中書之職開簾仙掖則如彥龍



唐詩壹以卷三  
寄任之重焉君今裁五色之書而文詞燦爛登九華  
之殿而笑語從容兼以御爐烟細知應染於綵毫玉  
漏聲頻更相和於玉佩公之際遇如此所謂清高峻  
絕也思昔與公同籍今我仕途流落未審何日得追  
陪於碧霄之上耳○首  
句或作賦體看亦可

### 酬于駙馬

綺陌塵香曙色分碧山如畫又逢君皎藏秋月一片水

驥鎖晴空千尺雲此一聯言駙馬居處第宅如此之麗出入騎從如此之盛在大義中比也

戚里舊知何駙馬前漢萬石君徙其家長安中戚里以其姊為美人故也注於上有姻戚者

居之故名曰戚里○三國志何晏字平叔尚魏太祖女金鄉公主詩家今得鮑參軍晉

昭字明遠為臨海王子項前軍參軍杜陽和本是烟霄

曲陽和見須向花間次第聞

詩言長安曉日碧山如畫乃與君相遇時也其第宅之華如蛟燕木月之中騎從之盛如驥連雲漢之士

昔何晏丰姿神異君既有其標格鮑昭才思高奇君  
又擅其詞藻則此詩賦之美正如今之陽春白雪乃  
天際神人之曲須向花  
間次第而傳寄於我耳

又

芳時碧落心應斷今日清詞事不同瑤草秋殘仙圃在

杜詩相期拾瑤草綵雲天遠鳳樓空此王晉晴光曾送金羈影金

馬備也涼葉寒一作本生玉簫風長得聞詩歡自足會看春

露濕蘭叢文選阮籍為詠懷詩云清露被蘭皋凝霜沾野草詳此意謂公主先逝而有子也六義中

為興也

此必公主已故而遺其子也於首尾二句見之首言

公主芳年而歸碧落駙馬之心應斷是以清詞轉作

哀詞而自不同矣然公主已死如瑤草凋殘而仙圃  
猶在若玉女飛昇而鳳樓已空五句喻公主生時入  
朝之樂六句喻公主死後寂寞之悲末聯乃慰之言  
公主雖死而有聞詩之子則亦可以自足而主家兩

唐詩鼓吹卷三

露亦必潤及蘭叢矣蓋春露比君恩蘭叢比其子也

觀征人回

兩河戰罷萬方清漢順帝永建六年護羌校尉韓皓

上軍回識舊營立馬望雲秋塞靜射鵬臨水晚天晴李

射鵬兒也戍開部伍分岐路地遠家鄉寄旂旌詩曰悠

聖代止戈資廟略左傳止戈為武漢趙充國傳誠非

堂之上而勝敵也晉張華傳羊祜疾篤帝遣華詣祜

問以伐吳之策回及將大來以華為度支尚書量計通

漕決定諸侯不復更長征此言兩河戰罷萬方無事故原上之兵各認舊壘焉

於時立馬望雲見秋塞之靜射鵬臨水適晚天之晴

雖言景色寔喻太平之象然戍閑而部伍分於岐路

地遠而家鄉寄以旂旌者豈專武士所能哉亦以聖

明在位廟筭有餘故輯寧萬邦自此可望諸侯之不

復長征矣此見頌禱之意寄旂旌者是以旂旌寄

也歸

將歸東都寄舍人

寄一  
作別

綠楊紅杏滿城春一騎悠悠萬井塵

周禮小司徒凡經  
土地而非收其田

注司馬法曰十終為  
三萬家車百乘士千人  
彼二千人

岐路未關今日

事風光欲醉長年人

長去

閑過綺陌尋高寺強對

一本  
作到

朱門謁近臣多病晚來還有策洛陽山色舊相親

此倦遊思歸而作也首言我於長安見此綠楊紅杏  
春色滿城而我一騎悠悠尚奔走於塵中也今者棲

連岐路事出當年而哀老漫尋風光欲醉且也出過  
綺陌將尋高寺入趨朱戶強拜近臣雖未遽脫塵網

而洛陽山色舊屬相親則曷不賦歸歟以遂晚年之  
願耶通篇是將歸意○第三句作今日將歸未臨岐

路亦自  
切題

寄江州白司馬

唐書白居易字樂天  
王涯上言  
居易不宜治郡貶江州司馬

江州司馬平安否惠遠東林住得無高僧傳晉惠遠見

心始住龍泉精舍刺史桓伊乃溢浦曾聞似衣帶郡國志

為遠於山東立房殿即東林也人於此洗銅盆墮水取之化龍而去因名溢水○隋職

州刺史崔仲方獻平江南策曰賊雖於斷口溢坡置船不能立矣文帝謂高頴曰我為民父盧峰見說勝香爐

母豈可限一衣帶水而不拯救乎江州廬山題詩歲晏離鴻斷望闕天遙病鶴孤莫謾拘

牽雨花社雨去聲○梁武帝與雲光法師講經於金陵

節感浮屠道尤甚青雲依舊是前途楊雄解嘲云當塗

自稱香山居士容青雲器注言器識高遠也

阮咸字仲容竹林七賢山濤字巨源阮籍字嗣宗嵇康字叔夜向秀字子期劉伶字伯倫王戎字濬仲山

王貴顯故不詠正詠五君此白居易久近不知其安否何如而於惠遠東林之地

香爐峯見說勝香爐  
盧峰見說勝香爐  
油水茶  
少酒  
三句其佳

亦不知其住得無也曾聞此地有溢浦迴環廬峯映帶今君謫居於此歲晏題詩離鴻影斷天遙望關病鶴形孤可謂寥寂矣然青雲仕路是汝前途莫謾拘牽浮屠之教以消沮其志氣也

薛司空自青州歸朝薛平薛仁貴三世孫憲宗朝拜淄清齊登萊五州平

盧軍節度使入朝拜檢校司空

天眷君陳久在東書君陳周公既沒命君陳分治東郊成周注成王重周公所營故命君陳

分居治東郊成周之邑里官司也歸朝人看大司空黃河岸畔長無事

滄海東邊獨有功青州濱海也已變畏途成雅俗莊子夫畏途者十殺

一人則父子兄弟相戒必盛率徒而後敢仍過舊里揖

出○唐盧懷慎傳帝日以卿坐鎮雅俗耳秋一本作清風一門累葉凌烟閣唐太宗貞觀十七年次第

儀刑一本作形漢上公梁范雲讓吏部封侯表爰在中典儀刑多士○齊職儀云周以太師太傅

太保為三公以大司馬大司徒大司空大司寇大冢宰太宗伯為六卿至西漢末師傅保之官崇其號為上公

首以薛平鎮青州比君陳之治東郊故言天眷之使  
久住此都今且承命歸朝人皆仰其為大司空矣迺  
其在東政績則在黃河滄海之間而其為有功也畏  
途變為雅俗今將入朝而過舊里正當稟秋之候行  
且羅武而繪形於凌烟之閣則一門之內次  
第儀刑儼然漢之上公也有不勵人欽慕哉

### 送章孝標

曾過靈隱江邊寺杭州有靈隱寺獨宿東樓看海門潮色銀河

鋪碧落日光金柱出紅盆日出海中海水盡赤望日光如金柱捧出紅盆耳此最模

寫妙不妨公事資高臥見謝安注無限詩情要一本細論杜

何時一樽酒若訪郡人徐孺子後漢徐孺字孺子豫章人

重與細論文惟為雅特應須騎馬到沙村沙村即孺子居也

不接賓客惟為雅特此送章標刺史杭州前四句言杭之勝槩後四句言

景湖色日光猶顯顯在目也以公之才往蒞其事當  
惟有高臥論詩耳然郡有賢人當如陳蕃之於孺子

沙村馬跡又不知其漆  
幾重矣有望其好賢意

述舊紀勲寄太原李光顏二首

玉塞會樓見雁行張掖郡北有玉門關故云玉塞○杜

見光進俱費頌故曰雁行北垣新詔拜龍驤者為其在玉堂之南便

於應詔晉王濬為龍驤將弟兄間世真飛將唐書太

顏少隨見光進馬避救臨洛戰汜水有功光進遷御史

大夫光顏亦至大夫故軍中號大小大夫後光顏拜同

漢李廣號飛將軍豹虎歸時似故鄉魚皮故曰鼓

角因風飄一本朔氣旌旗映水發秋光河源收地心猶

壯笑向天西萬里霜吐蕃圍涇州光顏力戰破之以功

鎮忠武忠武

吐蕃之邊也此述光顏攻臨洛而破党項以吐蕃之功美之也首  
言玉塞之間舍樓而轉戰者則有公之兄弟故天子



命北垣學士草詔而拜為龍驤將軍焉由今思其韜  
畧之奇弟兄間出駐稱飛將後復節度河東與太原  
相近而貌虎之兵振旅而歸又有似乎故鄉矣乃其  
前後統軍鼓角聲高因風而飄朔氣旌旗影動映水  
而發秋光如公勳烈豈非間世而出者哉然觀公於  
今日壯心未已笑向天西須盡平吐蕃於萬里風霜  
之外又豈止收復河中而已哉  
○結語雄邁遂使全篇俱振

又

倚天長劍截雲孤屈原少司命云竦長劍兮擁幼艾注

得其命也○宋玉詩曰鸞報國縱橫見丈夫戰國時有

秦為縱張五載登壇真宰相登壇見六重分闕正司徒

儀為衡光顏自元和至寶德初歷洛代陳三州刺史忠武深冀

節度皆兼兵馬後拜司徒河東節度故云六重分闕○

前漢馮唐傳曰王者遣將也跪而推轂曾聞轉戰平堅

曰闕以內寡人制之闕以外將軍制之寇轉上共說題詩壓腐儒前漢高祖罵酈食共料敵知

幾在方寸不勞心大講陰符制變萬里無差○前漢霍

去病上徵教以孫吳兵法對曰顧方畧何如

耳不在學古兵法陰符太公六韜中篇名

此美其志謀歷任之久也首言倚天截雲君才獨絕

而其報國之忠亦效蘇張之術不愧丈夫焉乃其五

載登壇堪為宰相六重分關繼領司徒真所稱為長

劔倚天者矣五句見其武畧之奇六句見其文詞之

雅然公之運用妙在一心豈區區於六韜陰符之兵法哉

酬盧員外拔唐書盧簡求河中人盧綸第四子

死入選戶部員外郎

謝傅旌旗控上游晉謝安字安石為太保都督荆揚等

古之帝者地方千里必居上盧郎樽俎借前籌漢張良

游詩意以牛僧孺此謝傅盧郎樽俎借前籌漢張良

借前著以善之詩魏城風土臨清廡舜清廟茅屋魏國

意指盧佐牛功也魏城風土臨清廡舜清廟茅屋魏國

山川在白樓河城北城雲寺當時接高步水亭今日又

有白樓

三

同遊滿筵舊府笙歌在獨有羊曇最淚一作後流羊曇泰

謝安所愛重安薨後輟樂嬾年行不出西州路嘗因石

頭大醉扶路不覺至西州門左右自曰此西州門曇悲

感不已以馬策叩扉誦曹子建詩生存華屋處零落歸

山丘因哭而去時僧孺已死詩以羊曇比盧員外也樽

首言曾籍如謝太傅據守上游之地而員外則於樽

組間借箸畫策也員外同居河中舜城風土魏國山

河在焉余昔與之並遊於雲寺今又同遊於水亭所

惜者牛公已死員外追思無已每聽笙歌而淚流其

與羊曇之於謝傳同一凄慘矣

增張將軍

關西諸將揖容光漢書李循曰關西出將關東出獨立

營門劔有霜知愛魯連歸海上魯連見肯令王翦在頻

陽史記王翦頻陽東鄉人也為秦將始皇欲伐荆問李

信用幾何人而足信曰不過二十萬人問王翦翦曰

非六十萬人不可始皇曰將軍老矣何快耶翦遂謝病

歸頻陽後信敗始皇起王翦用六十萬人遂滅荆○頻

陽今京兆涇也天晴紅幟當山滿前漢韓信破趙使人持一赤幟入趙壁皆拔趙

白幟立日暮清笳入塞長杜詩客淚年少功高人最美

漢家壇樹月蒼蒼言漢將之登壇已為陳迹不若將此疑嘆將軍歸隱而賦此以贈之蓋表其前日之功也

也首言關西諸將皆損其容儀光彩而將軍獨立營門兵威甚設刀劍如雪霜之照耀也今且飄然引退

慕魯連而歸海上然天子急於用人肯使將軍如王翦之在頻陽者哉思昔開營列陣之時天晴則紅幟

當山日暮則清笳入塞人莫不美其功高年少豈比漢家壇樹月色

蒼蒼而已歟

### 古意贈王常侍

綉戶紗牕北里深杜詩北里香風搖動鳳凰簪黃七與

太皇太后簪以璫玕為摘上為組紉長在佳人手禮志曰

鳳凰飾以翡翠毛羽摘音滴為組紉長在佳人手禮志曰

織紉刀尺空搖寒女心文選狎秦機詩寒女雖巧妙不

若欲學齊謳逐雲管

漢書禮樂志曰齊謳員六人○說文謳齊歌

還思楚練

拂霜砧

楚練楚國之練也杜詩緝練照楚國

東家少女

當機織應念無衣雪滿林

詩西風七月無衣無禍何以卒歲

昔人之詩每托古意以明志而古意多假閨人以爲詞蓋始於青青河畔草西北有高樓等章也此詩巨源欲于侍御薦拔故托貧女以自喻耳首言北里之常在其手而寒女則空勞心於刀尺之間推其意非不欲學齊謳而逐雲管然槌楚練以拂霜砧亦其所為事此其勞苦之意宜有恤之矣卽以女喻如彼東家少女當機杼而織練素固有霜雪無衣者能不爲之念及哉○首二句言仕宦之榮光三四句因富貴而感貧賤五六句自訴其未改通顯之意末則屬望薦拔也

唐詩鼓吹卷第三

終